

TOBÆVS (2)  
COMŒDIA  
SACRA:

*Authore Cornelio Sconeo Goudano,  
apud Harlemenses Ludimagistro.*

EIVSDEM CARMINVM  
LIBELLVS.

SCRVTA

MINI;



ANTVERPIÆ,

Ex officina Gulielmi Siluij typographi Regij

M. D. LXX

BIOTEC

LIBRARI

T O B A E V S <sup>(2)</sup>  
C O M O E D I A  
S A C R A:

*Authore Cornelio Sconæo Goudano,  
apud Harlemenses Ludimagistro.*

E I V S D E M C A R M I N V M  
L I B E L L V S.

SCRVTA



MINI.

A N T V E R P I Æ,

Ex officina Gulielmi Siluij typographi Regij

M. D. LXX

5

HADRIANI IVNII HE-  
XASTICHON SVB PERSONA  
AVTHORIS.

**S**I flores lepidi passim delibo Terenti,  
Florilegæ exemplo pecco libenter apis.  
Exhibeo pietatis opus sub imagine lusus  
Comici, & hic secum seria multa trahit.  
Exulat hinc petulans iocus, & lasciva Dione,  
Conueniens sanctæ est vena pudica rei.

D. IOANNIS VOCCINII  
EPIGRAMMA AD LIBELLY  
AVTHOREM.

**C**Omica dum nitido percurris pulpita sacco,  
Plautinos referens numeros, venamq; Terenti  
Attonito miror felices pectore versus,  
Et spissis tua digna puto Sconæ theatris.  
Contra disparibus dum pulsas barbita chordis,  
Aequas Peligni dulcissima carmina vatis.  
Maſte animo, pulchris sic perge incumbere cæptis,  
Quò Batauos inter quondam numerere Poëtas.

4  
ALIVD F. PHILIPPI HÆC-  
MVNDANI AB HOGHESTEYN  
AD LECTOREM.

**Q**uisquis amas vera cultas pietate Camænas,  
Artibus ingenuis, literuliq; vacans:  
Quemq; iuvat dulcis latine facundia lingue,  
Cuique poematij laurea sacra placet:  
Hæc, rogo, scripta pio perlustrans comica socco,  
Voluito peruigili terque quat erque manu.  
Plurima repperies quæ perlegisse iuuabit,  
Teque graui facient cultius ore loqui.  
Námque pari paucos, videas pietate Terenti  
Orchestra propius condecorasse tuas.

H O-

5  
HONORATISSIMO  
VIGILANTISSIMO QVE  
HARLEMIANÆ CIVITATIS SE-  
NATVI CORNELIVS SCO.  
NEVS GOVDANVS  
S. P. D.



V M nuper ingenij, sty-  
liq; exercendi gratia pri-  
mates honorandi hãc de  
Tobæo cõscripsissem Co-  
mædiam, amicis quibus-  
dam politiorum literarũ  
peritis eam perlegendam  
obtuli: quò nimirum si fortè illimatius, aut  
inelegãtius quid occurreret, sua censura me-  
dicarentur: de edendo interim ne cogitans  
quidem. Illi amico non grauatè obsequen-  
tes, dum semel atque iterum euoluissent, sin-  
guli de promulgando mecum seriò agere cõ-  
perunt, industriam nostram identidem col-  
laudãtes: & nescio quos aureos montes hinc  
mihi pollicentes. Ego me illudi suspicans,  
aut certè vt mollius dicam, eos de me aman-  
ter errare existimans, primùm multum diuq;  
tergiuersabar. Tandem cum nullum inter-  
pellandi finem facerent, simulq; perpendis-  
sem illos istiusmodi esse, vt nunquam me eò  
sint instigaturi, nisi id in rem nostram fore

A 3 confi-

confiderent, egrè promitto me ipsis & hîc, quemadmodum in alijs hæctenus morè gesturum. Dispicienti igitur cui potissimum has ingenioli nostri primitias dedicarè, protinus vos mihi in mentè venistis viri colendi quorum in nos benignior extat beneficentia, quàm vt parem gratiam referre queamus. Quapropter ingratus meritò habendus sim, si tam beneuolis erga nos animis pro virium nostrarum modulo vicissim gratificari recusem. Vtinam nostrum hoc chartaceum munusculum tale sit, vt vestro suffragio probari mereatur. Scio non infimam laudem esse, vt inquit Flaëcus Principib<sup>9</sup> viris placuisse: sed ad tam eximiam dignitatè nemini patet aditus, nisi qui singulari eruditione, præclarisq; ingenij dotibus, spectataq; morum integritate talium virorum beneuolentiam ac fauorem promeruerunt. Imo quò cordatiores prudentioresq; sunt hi, quorù amicitiam & familiaritatè nobis demereri studemus: hoc difficilius exorari, expugnariq; consueverunt. Nec iniuria, summa enim ingenij perspicacia, solertiq; iudicij sagacitate viris primarijs aduigilandù est, ne huiusmodi, quos aliquàdo ob dissimulatam versuti animi nequitiam odisse possent, munificentia sua dignos existimasse videantur. Hæc quò accuratiùs, attentiùsque mecum perpendo, hoc

magis

magis sollicitus sum, nò quopacto vobis magnopere placeam, quod mea neutiquam mereatur temeritas: sed ne inconsulta hæc mea temeritas, nullo eruditionis lenocinio commendata animos vestros grauissimarum rerum curis, anxietatibusque impeditos offendat. Atque ideo nisi exploratissimum haberè quanta benignitate foueatis, quanta sedulitate tueamini, ad quos honores euehatis eos, qui se liberalium disciplinarum studijs insigniendos tradiderunt, nunquam occupatissimas vestras aures meis illiteratis nœuijs inturbare ausus fuissèm. Hanc itaque confidentiam mihi eximius vester suppeditat candor: cui imputetis velim, si vos forte mea offenderit impudentia. Cæterum non dubito, quin maleuoli aliquot fururi sint, qui hanc nostram comicam actiunculã conuitijs, probisq; insectabuntur: nam quid tam elaboratum, politumq; in quo non reperiant, quod suggillent oculati isti Argi? Quorum tamen improba curiositas, curiosaq; improbitas adeo nihil me terrent, commouentve, vt tum demum aliquid laude dignù me præstitisse arbitraturus sim, cum lucubratiunculas nostras à quamplurimis circumrodi conspexero. Ita enim natura comparatum esse videmus, vt liuor præclaris facinoribus indiuulsus comes semper consequatur. Donec

ocio torpentes, nihil magnificum periclitamur, facile invidorum morsus effugimus. Sed simulac animum ad virtutem applicamus, præstò sunt, qui nos venenosa linguæ procacitate ab his pulcherrimis cœptis deterere conantur. Quos non alia ratione vlcificaris meliùs, quàm si allatrans obaturatis auribus prætereas. Sed mirabimini fortasse quid causæ sit, quòd patrè Tobæum potius quàm Tobiam appellem. In hoc non meam, sed aliorum Hebrææ, Græcæ, Latinaque linguæ peritissimorum virorum secutus sum sententiam. Non quod alterum altero speciosius, latiniùsve esse arbitrer: sed quod idem patris, filijque nomen alicubi nonnihil obscuritatis pariturum perspicerem. Atque hoc eò feci confidentiùs, quod tum apud Græcos, tum apud Hebræos non idem vtrique, sed diuersum sit nomen. Verum vestræ humanitatis erit, hoc quicquid est munusculi læta fronte excipere, tenuitatemque nostram boni consulere. Huiusmodi opibus munifici sumus quotquot vernantia Musarum vireta colimus. Quod si hæc nostra qualiscunque industria à vobis probari mereatur, non erit cur me huius opellæ pœnitere debeat: imo maiori alacritate ad alia grauiora periclitanda accingar. Valetè optimates ornatissimi, meq; in clientulorù vestrorum numerum recipere dignemini. Harlemi, sexto Kal. Iulij. 1568.

## ACTORVM NOMINA.

TOBÆVS	pater.
TOBIAS	filius.
ACHIOR,	} tenuioris fortunę homines
ÆGIO,	
NABATHVS	
RAPHAEL,	genius, sed adolescentis formæ indutus.
ANNA,	Tobæi vxor.
SARA,	puella.
RAGVEL,	senex.
EDNA,	Raguelis coniunx.
PHÆDRA	} Ednæ pedissequæ.
MYRRHINA,	
SOSIA,	Raguelis seruus.
GABEL,	senex.
SYRVS,	Tobæi seruus.
Pueri duo, alter Tobæi, alter Raguelis.	

A S PRO-

## PROLOGVS.

Trimetri.



ALVETE spectatores candidissimi,  
 Huc quotquot accessistis, actiunculam  
 Nouam hanc vestra decoraturi presentia.  
 Priusquam noster hic grex in proscenium  
 Se conferat, rogatos unum hoc vos velim  
 Maximopere, vt mihi, quæ ad hanc rem attinent  
 Pauca loquuturo, paulisper dignemini.  
 Accommodare aurem patientem, ac beneuolam.  
 Dum nuper hæc in lucem prodit fabula,  
 A maleuolis quibusdam nostram industriam  
 Sentimus improbarier: qui ipsi tamen  
 Ignauia torpescentes, nullum suæ  
 Quam vbiq; venditant scientiæ specimen  
 Vnquam edidere: sed in canum mordacium  
 Morem, bonorum diligentiam suis  
 Conuitijs, diçterijsq; identidem  
 Lacerant, nihil ipsi proferentes doctius.  
 Quorum vt minus nos commoueat procacitas,  
 Vester facit candor, & integritas: quibus  
 Si noster hic labor non improbabitur,  
 Abunde magnam consequutus gloriam  
 Mihi videar. Nam quemadmodum laudariet  
 A laudatis pulchrum est, ita viuuperariet  
 Ab illaudatis non minus pulchrum arbitror.  
 Faceßat ergo iniquorum calumnia,  
 Illustrium facinorum indiuidua comes.

Quæ nunquam gliscit, & furit impotentius,  
 Quam cum se frustra niti intelligit: putes  
 Cicadam alis correptam. Sed quo nos rapit  
 Animi calor, dum maleuolos vicißimur?  
 Nunc quam sumus, vni cognoscite fabulam,  
 Ex mysticis vobis depromptam literis.  
 Non hic amore demens adolescentulus,  
 Pudenda coram iactabit crimina.  
 Nec fabulosus quispiam Deus, viri  
 Mentitus formam, amantem fallet coniugem.  
 Nec miles aduersa ostentabit vulnera.  
 Nec seruus argento emunget senem. Nihil  
 Horum nostra exhibebit actiuncula.  
 Nil hic profanum, aut ludicrum: verum sacram,  
 Piamq; grex representabit historiam.  
 Cui si quis attentas aures accomodet,  
 Multa in animo ipsi considebunt commoda.  
 Quapropter vt frequentes, & alacres modo  
 Huc confluxistis, ita saue te silentio:  
 Ne quid tumultus inter vos ortum, gregem  
 Hunc nostrum scenicum inturbet. Hic puer  
 Quem conspiciamini exire in proscenium,  
 Vobis periocham recitabit comædia.

ACTVS PRIMI  
SCENA PRIMA.

TOBÆVS, PVER. Senarij.

Comœdię periocha.

TOBÆVS operam humanis nauans mortuis,  
Deique sacro mancipatus cultui,  
Visu spoliatur infelix. Mox inopia  
Periclitans, gnatum ad Gabelem in Mediam  
Ablegat, repetitum pecuniam penes  
Hunc quondam depositam. Qui in itinere comitis  
Raphaelis opera duxit Saram sui  
Auunculi gnatam vnicam uxorem. Dein  
Domum reuersus, ab eodem edoctus, patri  
Amissum restituit visum: ades gaudio  
Præter spem obiecto vndequaque perstrepunt.

ACTVS

QUIS te Deus terræ, poli<sup>q</sup> conditor,  
Mortalium<sup>q</sup> plastes, dignis efferat  
Laudibus? & ad inuictam tuam potentiam  
Cecutienti non stupefcatur pectore?  
Qui omni prior tempore, ac auo vetustior,  
Cum nihil in rerum natura iam existeret,  
Calum, terræ<sup>q</sup> machinam meditullio  
Aeris inherentem, suoque pondere  
Libratam, olim ex nullo creasti semine.  
Creatamque inscrutabili prudentia  
Porro tutaris, conseruas, atque vegetas.  
Ne ego statim primis ab incunabulis  
Te iure feci maximi, tibi<sup>q</sup> me  
Per omnia pater obsequentem præbui: &  
Spretis calumniantium conuitijs,  
Tuo me totum mancipauit cultui.  
Ad te sacram veluti ad anchoram Deus,  
Humana destitutus ope me confero,  
Meorum tu laborum requies, tu vnicum  
In rebus desperatis, præsidium mihi.  
Profecto inhumanus sim, ac caute durior  
Adamantina, hominis<sup>q</sup> indignus cognomine;  
Salutiferis tuis præceptis si velim  
Præfractus aduersariet. Nihil mihi

Dulce



Dulce sine te : sed austera , insuauia ,  
 Aspera , terrica , amaraq<sub>3</sub> videntur omnia ;  
 Ni tu nostri misertus , & gritudines ,  
 Crebrasq<sub>3</sub> anxietates melle tuo condias .  
 Quare vt longo cernuus anhelans cursu , ac siti  
 Enectus , siccis inhiat lympham faucibus ,  
 Ita ad tuam Deus tutelam confugit  
 Graui percussa mens sollicitudine : nec hinc  
 Vnquam nisi refocillata reuertitur .

Scaron Quid obsecro vita hæc habet voluptatis ?  
 Quid non potius laboris , ac molestiæ ?  
 Quæ non pericula generi mortalium  
 Impendent , urgent , obruunt ? Et quod magis  
 Dolendum , cum omnis securi infortunij  
 Extra periculum nos positos maxime  
 Putamus , sepe ab inopinato turbine  
 Prosterimur : risusq<sub>3</sub> in fletum , gaudium  
 In luctum , & in gemitum iocus conuertitur .  
 Nec est quod externa hic exempla recenseam :  
 Abunde nobis talium superest domi .  
 Atque adeo varios ipsi perpeffi sumus  
 Casus frequenter , tunc cum Niniua carceri  
 Inclusus , arctisq<sub>3</sub> colligatus vinculis ,  
 Infanda patiebar miser . Animum tamen  
 Scaron Quamuis indignis tractatus modis , nunquam  
 Despondi : sed tuam Deus implorans opem ,  
 Ne vnquam quidem frustratus sum : adeo vt qui mihi  
 Presens exitum molirentur , hos suis  
 Ipsorum pedicis irretitos , protinus

E medio

E medio sustuleris . Exemplum huius rei est  
 Nobis exhibitum in Senacheribo , qui mihi  
 Insensus , quod inhumata aliquot cadauera .  
 Immanibus turpiter obiecta bestiis ,  
 Suis misertus bustis condideram , statim  
 Et me , meamq<sub>3</sub> coniugem . & carum mihi  
 Filiolum iussit comprehendier . Qua re  
 Comperta , sine mora solum vertens , manus  
 Eurentis effugio : ille mea amens diripit ,  
 Aedesq<sub>3</sub> nostras occupat . Sed quam precor  
 Tandem procax sortitur vis catastrophæ ?  
 Nefando degereri sibi dum crimine  
 Deum parat , lymphatus infernalibus  
 Furijs , nati iam destinati victime ,  
 Patrem trucidant impium : atque ita scelerum  
 Vindex Deus commissum vlcisitur nefas .  
 Qui licet ad puniendum sepe tardior  
 Assurgat , effugiet tamen nemo nocens  
 Eius flagellum : & longiorem sepius  
 Acerbitate pœnæ compensat moram .  
 Ergo saluti qui suæ  
 Velit consultum , omni Deum reuerentia  
 Supplex colat , preceptisq<sub>3</sub> illius obsequi  
 Indesinenter studeat : sic illi nihil  
 Vnquam nocbit fraus calumniantium :  
 Sed impetentium mendacia facile  
 Eludet , diuina adiutus ope . Sed iam ad id  
 Tempus est reuerti , cuius vnus gratia  
 In publicum hodie prodij . Quin filio

Scaron

Dimet.

Potius

Potius dedam id negotij . Puer hem, protinus  
 Accerse huc ad me filium, PVER. Curabitur.  
 TOBÆ. Iam iam aderit opinor, ubi se huc intellexerit  
 Ad me vocarier: adeo per omnia  
 Patri obsequentem sese præbuit hæctenus. Oh,  
 Quenquamne hominem posse in animo instituere, vel  
 Parare, quod sit carius, quam ipse est sibi?  
 Sed ostium crepuit, atque ipse exit foras.

## ACTVS I. SCENA II.

TOBIAS, TOBÆVS.

Eiusdem generis versus.

**H**ICCINE patrem dicebas opperirier?  
 Sed eccum. Mi pater, salue. Estne quippiam  
 Per me curatum quod velis? Tobæ. Probè facis  
 Fili, quod accersitus protinus aduolas.  
 Accede propius, habeo quod mandem. Tob. Pater  
 Adsum, impera quod vis, quicquid præceperis  
 Euestigio effectum dabo Tobæ. Fac citra moram.  
 Conuenias consanguineos nostros Achiorern  
 Nabathum, & Egionem, cum dura domi  
 Quibus scio res est pauperie: dicèsque me  
 Cupere, vt se mihi conuiuias hodie præbeant,  
 Nihilque cunctentur, sed protinus simul  
 Omnes vt adsint curent. Tob. Hem, fiet pater.  
 Tobæ. Gaudeo me iam inde ab adolescentia semper  
 Eo fuisse animo, vt nihil minus putem

Scazon

Perire

Perire, quam quod in egenos confertur. At  
 Hæc uxori mecum non conueniunt. Venit  
 Sæpè ad me clamitans, quid agis Tobæ? cur  
 Rem omnem profundis? cur quod nos comparcinus  
 Nostrum defraudantes genium, tu crebrioribus  
 Conuiuijs infumis? haud existimans  
 Quanto labore partum. Et longè errat, mea  
 Quidem sententia, quæ quod famelico  
 Tenuiorum ventri saturando impenditur,  
 Arbitretur perire. Mea sic est ratio,  
 Et sic animum induco meum, qui egestati  
 Fame, aut citi periclitantium suis  
 Facultatibus opitulatur, Deum sibi,  
 Non hominem demeretur. Sed cesso domum  
 Reuerti, vt quod opus sit futurum, apparem?

Sept.

Scazon.

## ACTVS I. SCENA III.

ACHIOR, ÆGIO, NABATHVS,  
TOBÆVS.Trochaici catalectici, partim septemnarij,  
partim octonarij.

**B**ENE profectò habet quod hodie me famelicum  
 Ad suum Tobæus prandium inuitauerit:  
 Nam domi mihi culina frigidolanguet foco,  
 Vacuus crepitat inedia venter, dentesque pruriunt:  
 Stomachus latrat: vix quenquam puto fame magis  
 Effractum. Sed nostrè hic est Ægio, procul

B

Huc

Huc quem aduentare video? est is ipſus: alloquar  
Hominem, vt quo properet intelligam. Salue *Ægio*  
Meo animo multum exoptate, quo iter eſt? *Ægi.* Re-  
ctà ad meum

*Tobæum*, qui me per filium modo, apud forum  
Iuſſit accedere protinus ad prædiũ. *Ac.* quid audio, huc

Scena.

Et nos ieiunius properamus faucibus. *Ægi.*  
Optimè hercule factũ. *ah*, nũc demũ ſolida videtur mihi  
Hæc voluptas, cum & te participem eiũdem fore audio.  
Sed quis iſte? num *Nabathus*: aut ille eſt, aut parum  
Proſpiciunt oculi. *Achi.* Vide vt properet. Heus respice  
*Nabathe*, eſt tua quod refert ſcire, paululum huc  
digredere. *Na.* nõ audio. *Æ.* res ſeria eſt. *Na.* *ah*, deſine  
Meum iter impedire, quando ad rem vehementer ſeriã

Aca. duo

Accurro, nempe ad conuiuium: & inanitate  
Inteſtina mihi iam dudum murmurant, valete.  
*Achi.* Obtundis reſiſte: nos eodem tendimus. *Naba.*  
Alias res agitis. *Ægi.* certè, reſiſte inquam. *Nab.* quo  
ergo mihi

Eſſe iter creditis? *Æg.* ad *Tobæum*. *Nab.* profecto rem  
Tetigiſti acu. Hũccine ſed & vos inuitatos dicitis? *Ac.*  
Sumus õ bone. *Na.* quid hĩc cũctamini igitur tam diu?  
Aut cur non rectà proceditis? maturemus, mihi  
Etenĩ vèter inedia ferè exhaustus eſt. *Æg.* probè monet  
Nã meus quoq; iã pridè animus in patinis eſt. *N.* cõmodè  
Ecce domo egreditur *Tobæus*. Salue plurimum  
Vir colende. *Tob.* Amici ſalute: hoc eſt gratior  
Veſter aduentus mihi, quod maturius ſimul  
Omnes adueniſtis. Sed neſcio quid ſuſpicer

Quod

Quod nos ſolitò conuenitis infrequentius.  
Nunquid eſt quod vos à noſtris adibus auocet?  
Ne celate, vt offenſe medeamur. *Ach.* *ah*, tace  
*Sodes*, nemo eſt qui inos excipiat prolixius,  
*Lautiusq;* *Tobæ.* Quid cauſa eſt igitur quod rariũs  
Hĩc vos video? an quia non inuitauerim prius?  
*Ægi.* Iſthuc ipſum mi *Tobæ*: pudet enim accedere  
Non vocatos. *Tobæ.* *ah*, quaſi qui ſim nondũ etiã ſatis  
Compertum habeatis. An ignoratis bonos  
Ad bonorum prandia vel vltro ſas eſſe accedere?  
Quapropter mittite poſthac pudorem inutilem:  
Non ſolum vocatis, ſed etiam inuocatis hĩc locum  
Vobis ſcite paratum eſſe. Sed accumbamus. *Puer*  
*Hem*, cape guttũ, ac manibus cedo aquã. Agite, prandiũ  
Interim dum de loco altercamini, corrumpitur.  
Tu mihi dexter accumbe *Ægio*: tu ſiniſter *Achior*,  
Tu *Nabathe* exaduerſo ſedebis commodè.

Senar.

## ACTVS I. SCENA IV.

TOBÆVS, ÆGIO, NABATHVS.

Trochaici catalectici, ſenarij, ſeptenarij,  
& pauci octonarij.

**A**NTEQVAM amici hiſce dapibus corpusculum  
Reſciamus, primũ diuin.e in nos munificentie  
Gratias agamus: ne dum temporario  
Paſcimus corpus cibo, mens dignior,  
Et potior noſtri pars contabeſcat à Deo  
Deſtituta. *Æg.* Sapienter pieq; mones *Tobæ*: nam  
A præcatione conuenit conuiuium

B 2

Auſpi-

*Auspicari. Tobæ. Exordiar igitur. Pater  
Cælestis qui pane quondam ex æthere  
Acac. Delapso maiores nostros inedia periclitantes  
Affatum faciasti, oramus ut cibum,  
Quem tuo beneficio sumpturi sumus,  
Nobis esse salutarem velis, quo corpore  
Simul & animo ita refocilemur, tuo  
Ut digni reperiamur neſtare post hanc breuem  
Et fragilem vitam tecum oblectarier.*

*Conui. Amen. Tobæ. Agite cognati charissimi, satis  
Iam morarum est: quisq; arripiat quod palato maxime  
Sapiat. Hunc quid armum ouillum dissecare veremini?  
Quisq; sibi persuadeat domi se esse suæ. Nab. Sedulo  
Operam nauamus Tobæ: apud mensam etenim nemine  
Conuenit verecundari: namq; in hoc apponitur  
Quicquid infertur, non ut oculos pascat, sed ut  
Esurientem placet stomachum. Quin inutilis mihi  
(Ne quid simulem) semper visus est pudor,  
Iambi. Dum præsto est quo ventrem exaturus famelicum,  
A cibo ieiunis temperare faucibus.*

*Tobæ. AEquum dicis. At interim tuus quid cessat  
cantharus?*

*Nab. AËgio hunc tibi præbibo cyatum. AËgi. Ut salu-  
ti sit precor*

*Mi Nabathe. Tobæ. Ecquid tibi hoc villi sapit?*

*Nabath. Nunquam, ita me Deus amet, gustavi me-  
racius.*

*Tobæ. Hem, quidnam tibi vult hic præceps filij  
Interuentus? quàm vereor ne quid mali*

Nun-

*Nunciet: & nescio quid infortunij  
Animus præſagiat.*

ACTVS I. SCENA V.  
TOBIAS, TOBÆVS, ACHIOR.

Eiusdem generis.

**E**HEV pater, non tam procul  
Hinc reperi quendam ex consanguineis nostris cru-  
deliter.

*Interfectum. Tobæ. Hem filii, quid ais? occidi.  
Facile diuinabam fore, ut hoc prandioli breue  
Gaudium, egritudo aliqua inturbaret: nihil  
Aded in rerum natura reperias prosperum  
Ac beatum omni ex parte. Experior verissimam  
Tandem esse Amosi vatis sententiam  
Illam, qua monet ne rebus illati prosperis  
Genio indulgeamus: namq; hoc insolentia  
Crimine Deum irritatum mutaturum, breui  
Conditionem rerum, proq; letis tristitia  
Suppeditaturum. Sed ne nos debiti  
Obsequij obliuiscamur, præstiterit surgere,  
Ut amici cadauer à ferarum morsibus  
Vindicem, ac sepeliam. Achi. Pol ne feceris  
Si sapis Tobæe, nisi te præſens in periculum  
Conijcere malis, quàm edicto principis  
Obsequi. Tobæ. Faceſſant Regis crudelissimi  
Imbelles mina: magis stimulant celeſtia*

B 3

Me

*Me Dei præcepta: quibus præstitere obsequi,  
Quam impijs tyranni constitutiunculis.  
Sed nihilo minus vos, dum abs sum, pergite  
Interim apposito non parcere cibo. Mox simul  
Ac consanguinei perempti corpus publica  
E via clam ad nos protraxero, huc recurram protinus.*

## ACTVS I. SCENA VI.

NABATHVS, ACHIOR, ÆGIO.

Eiusdem generis versus.

**Q**UAM vereor miser ne sibi perniciem, exitium-  
que adferat

*Hic homo, dum nimium præfractus sue  
Neminem patitur refragari sententiæ.  
Quoties ipsum clam admonui, quoties sibi  
Ut caueret obtestatus sum: at nihil  
Exorabam unquam: adeo furdo semper fabulam  
Occinebam. Achi. Et nos eadem inculcando sapius  
Aures ipsius rasimus: at semper irritis  
Aerem nequicquam feriebamus ictibus.  
Ægi. Mirum est hominem adeo sue sententiæ  
Esse tenacem, ut ne optima quidem consulentis  
Dignetur acquiescere:  
Quid facias huiusmodi hominibus, sua  
Dementatis pertinacia. Deum  
Oremus, ut temerariam eius confidentiam  
In meliorem vertat quam nos remur exitum.*

Acat.

Iab. dim.

ACTVS

## ACTVS I. SCENA VII.

TOBÆVS, ANNA.

οὐκ ἔορτες.

**C**UM mecum sceleratos mortalium mores  
Perpendo, non possum quin desleam nostræ  
Adeò deploratum et atis statum. Quid non  
Audent homines peruersi: quod scelus quamuis  
Abominandum perpetrare cunctantur.  
Dura quidem nos Israëlites semper  
Hos inter Niniuitas passi sumus: nunquam  
Tamen atrox efferatæ incanduit gentis  
Crudelitas in nos immaniùs, quam nunc.  
Profectò non parcunt nobis magis, quam si  
Illis res esset cum pecudibus, aut brutis,  
Id esse verum haud dissidebitur, quisquis  
Huius trucidati undiquaque differtum  
Vulneribus corpus intuetur. Heu quisnam  
Tam diras nõ excretur manus, tale  
Que non erubuerint facinus? Videte oro  
Quam fœdè, ac turpiter cadauer hoc omni  
Ex parte sit laniatum, quam nihil toto  
Ille sum corpore relictum? à truci credas  
Urso discerptum. Tam insandum Deus cernis  
Et impunitum rellinquis scelus? An. Qui (nam hic  
Stomachatur? Hem marite mi, quid est quæso  
Quod tantopere iratus incusas? satim salue  
Res? quid taces? Tobæ. Quid incussem rogas? ecce

B 4

Quam

*Quam immaniter hic noster amicus trucidatus*  
 Sit. An. *Me miseram, interij. Quis ausus est hoc tam*  
*Horrendum facinus.* Tobæ. *Quis nisi quispiã ex hisce*  
*Nimiuitis? quorum acerbitas inardescit*  
*Iam pridem in nos semper ferocius.* An. *Ne iste*  
*Quauis tigris fuit crudelior. Verum*  
*Quis ipsum huc deuoluit? nam modò foras sorte*  
*Dum prodeò, conspiciebam nihil.* Tobæ. *Credo.*  
 An. *Ehem, quid conticuisisti?* Tobæ. *Iam audies rem*  
*omnem.*

An. *Quando tandem? perij.* Tob. *Modò prædio vixdũ*  
*Incepto, accurrit ad me filius, clamans*  
*Quendam ex consanguineis, non ita procul nostris*  
*Ab adibus miserè iacere confectum.*  
*Hic ego relicta mensa, protinus rectà*  
*Eò me confero. Ac primùm quidem cædem*  
*Contemplatus omnium immaniissimam, multùm*  
*Diuq; fleui: mox sublatus in humeros, huc*  
*Ad nos deportaui cadauer.* An. *In quem vsum*  
*Cedo?* Tobæ. *Quò sub noctem clam sepeliam.* An. *hem*  
*demens,*  
*Sepelias?* Tobæ. *Quid ni timida.* An. *Vide quid*  
*inceptes.*

*Non te latet quantopere interminatus sit*  
*Assyrie Rex, ne quis nostratium tentet*  
*Israëlitarum cadauera vsquam clam*  
*Defodere: idcirco, si sapis, caue: ne & nos*  
*Simul omnes tecum perdas.* Tobæ. *Nihil agis: nunquã*  
*Defunctos hoc obsequij genere desistam*

Prose-

*Prosequi: etiamsi mille tyrannus intentet*  
*Cruces. Quamuis mortem minitetur, in morte*  
*Nihil est quod magnopere metuum mali.* An. *Mi vir,*  
*Si tibi consultum vis, sententiam muta.* Ah,  
*Quam vereor ne hoc quantum nunc tibi sedet cordi,*  
*Tantum nobis propediem incommodet.* Tobæ. *Pergin*  
*Mulier esse? vllãmne vnquam ego volui rem, in qua*  
*Tu mihi non fueris aduersata? Quod si nunc*  
*Queram, quid sit quod peccem, nescias, in qua*  
*Re tam confidenter restas mihi.* An. *Eheu, quid?*  
*Egon istud nesciam? iam sæpius demens*  
*Quid me sollicitam habet exposui tibi.* Tobæ. *Mitte*  
*Malè ominarier: satis mihi quæ in rem*  
*Sunt ipsi perspicio. Quasi antea nunquam*  
*Idem impunè à nobis sit factitatum.* An. *Non*  
*Nego, verum hodie minus expedit.* Tobæ. *Abi st ulta*  
*Nihil dicis: præstat Deo obsecundare*  
*Quam homini: huic enim nostrum hoc gratum esse*  
*confido*  
*Beneficiolum. At satis, superq; cessasse*  
*Hic videor, ne quis rem forte subodoratus,*  
*Maiestatis læsæ nos deferat. Corpus*  
*Interea hoc auferam mecum domum, vt noctu*  
*Semotis arbitris clam sepeliam: nam quod*  
*Cauere potest, stultum est admittere. Hinc, ad relictos* Sept. artes.  
*Me conferã amicos, quos vereor ne mea mora offendant*  
 An. *I sane, perij iam mihi videre videor cladem*  
*Ex huius temeritate breui profecturam.*  
*Deum immortalem adeon pertinacem esse*

B 5

Homi-

*Hominem adeoq; in exorabilem, ac durum,  
Ut neque lachrymis, neque precibus licet blandis  
Magis moueatur quam saxum? O grauis luctus.*

## ACTVS II. SCENA II.

S A R A.

Senarij &amp; octonarij.

**N**Æ ego omniū puellarū meritò sum infelicissima,  
Superis inuisa pariter ac mortalibus.  
Vinam dehiscat terra, meq; absorbeat  
Suo biatu: vsque adeo huius vitæ vindiquaque calamita-  
tibus

Refertæ perta sum est. Eheu, me infelicem, nihil magis  
Optem, quã his miserijs in deterius semper gliscentibus  
Quam ocyssimè defungier. Mors si concedatur, mihi  
Quouis beneficio futura est gratior.

Nam quid tandem est, quod in hac vita esse diutius  
Velim? quoquoorsum foras perspexero, passim irrideor  
Miseræ, ac conspicuor ab omnibus: immo, quod est lon-  
gè crudelius,

Cuncti me vt portentiū execratur, horrent vt veneficã  
Quin & diris vt parricidam deuouent.

Utpotè quæ septem mihi coniugij fœdere  
Coniunctos adolescentes, iam vsu matrimonij frui  
Meditantes, prima nocte omnes immaniter  
Trucidasse existimer. At tu Deus cui vel intimi  
Humani pectoris patent recessus, scis me ab hoc scelere  
Esse

*Esse alienissimam, meoq; mores omni crimine  
Impietatis vacare: ac me vitam nullis obnoxiam  
Facinoribus hæctenus exegisse. Nunquam enim  
Quicquam in me admisi turpius: nec me iuuenculus* Sept.  
*Lasciuioribus sodalem præbui.*

*Sed impudicarum Deus commercium  
Cane peius, & angue semper vitæ, totos dies domi  
Me apud parentes cõtinent. Dũq; illæ choræas dũctit at*

*Viris commisit, dum voluptatibus, ac fœdis lusibus,  
Genioq; indulgent, ego parentum admonitionibus* Sept.  
*Morem gerens, tuam in nos beneficentiam,  
Conclauē ingressa interius, supplex laudibus  
Consueui prædicare. Quod autem septies  
Coniugium auctoritate paterna repetij.*

*Non tam explende libidinis, voluptatisue gratia  
Quam sobolis procreandæ studio tentatum est. Nam in  
me Deus*

*Omnis posteritatis nostræ spes incumbit: nihil* Sept.  
*Parentibus meis præter me liberorum suppetit  
Amplius. Ast adolescentes septem, me quibus  
Nuptum locauerat pater,* Dim.

*Non à me, vti probe nosti Deus, sed à cacodemonum  
Principe necati sunt: quod hi fortasse me,  
Vel illis ego fuerim indigna: aut quod alteri.*

*Me illibatam fors an referues coniugi?  
Hæc utcumq; Deus coniecturis assequor:  
Nam arcana tui sensus consilia, ingenioli  
Nostri viriculas longè excedunt: adeo vt si scrutarier  
Tuam quis anxie tentet sapientiam,*

Vel

*Vel talpa protinus reddatur cæcior.*

*Quapropter mi Deus si unquam tibi placuit quod se-  
dulo*

*Egi hæcenus, si nondum nos in totum auersaris, precor  
Ut me vel illico perimas, atque his conuitijs, quibus  
Infelix iam passim laceffor, eximas.*

*Aut si tuam pater promeruisse videar clementiam,  
Facilem quæso meis tandem querelis aurem præbeas,  
Meisq; os obtures obrectatoribus: quo desinant  
Suis me posthac immerentem traducere mendacijs.*

## ACTVS II. SCENA II.

RAGVEL, SARA.

Eiusdem rationis.

**Q**UAM hic audio eiulantem, & calamitatem  
desilentem suam?

*Mirum ni filia est: certè ipsa est: facile diuinaueram.  
Sed abitum parat, accedã propius, ac cõpellabo. Quid est  
Filiola mea quod te excruciat tantoperè, vt omnia que-  
stibus,*

*Susprijsq; compleas? Sar. Pater, ah, rogitas? quasi mihi  
Querendi iusta desit caussa. Rag. Nata mea, non me  
latet*

*Quæ indigna sis passa: at quid vanis proderit  
Excarnificasse animũ querimonijs? parum ex sententia  
Cum res succedunt, mentem consolari conuenit  
Spe fortunæ secundioris. Nam velut*

Sept.

Sum-

*Summam rerum prosperitatem frequenter infelicitas*

Scaron.

*Excipit, ita extremi infortunij causam*

*Non raro insperatum consequitur gaudium.*

*Sar. Quod mihi quæso commemoras gaudium pater?  
Iam pridem de nobis actum est. Quare nihil*

*Malim, quam ex hisce quamprimum subduci calami-  
tatibus.*

*Rag. Ah, mitte desperare: nam quod nobis difficil-  
limum*

*Videtur, à Deo vel solo nutu præstari potest.*

*In hunc omnem tuam fiduciam tantum fac conferas,*

*Cui quid nobis, tuæq; saluti maxime*

*Expediat, exploratum est: nec quenquam solet*

*Affligere temerè: non enim nostræ studet*

*Perniciei, aut exitio, sed saluti potius, &*

Sept.

*Licet ea quæ nobis in hac vita, obtingunt, dura, asperaq;*

*Frequenter videantur, minime tamen incusandus est*

*Deus:*

*Vt potè qui norit optime, quid hominibus potissimum*

*Conducat. Atque ideo quemadmodum probus*

*Medicus, non dulcia semper animo aegroto, at amara*

*sepius*

*Miscet pharmaca. Sar. Equidem nil refragor pater:*

*Scio Deo sic visum esse: at quæ tot simul*

*Suffecerit ærumnis, & contumelijs?*

*Utunque crebra tolerandum esset orbitatis tædium,*

*Tristisq; peremptorum iactura coniugum,*

*Si non meos sponfos malis ipsa occidisse dicerer*

*Artibus. Ehen, quæ non passim conuitia,*

Et scom-



Et scommatā in me coniungunt homines vanissimi? quibus

Non traducunt dicerijs? Quin nomen commutant mihi,

Pro Sara appellantes Zaram: videlicet parricidij

Facinus exprobrantes. Hoc est quod mentis aegritudinē

Exasperat, nec sortis me sinit obliuiscier mee.

Rag. Durum quidem anime misfateor, sed leuius fit patientia,

Sept. Quicquid nefas est corrigere. Nec nobis in manu est

Quid dicant homines, sed ne id iurē obiecerint

Summa adhibenda est cautio. Quapropter oro patienter feras,

Non frustra culpes quod nequit mutarier:

Latura patientiæ aliquando abundē magnū premium.

Sar. Age pater, dabimus operam: at nunquid aliud est quod me velis.

Rag. Sequere me intrò, iam dudum enim te mater expectat domi.

## ACTVS II. SCENA III.

TOBÆVS, ANNA.

Eiusdem generis.

DEVM immortalem quidnā hoc obsecro mali est?

Que hæc est calamitas? oculi prospiciunt nihil?

Visus planè perijt? quò me vertam miser?

O dolor, Ec quis me viuut infelictor?

Perij,

Perij, pessimè hodie hic dies mihi illuxit.

An. Quis hîc vociferatur pro foribus? mi vir, hic

Quid insolens sibi vult questus? quid deest

Tibi? satin' sanus? Hei mihi, quisnam tuum

Fimo fix dauit vultum? quid conuiuent oculi. Tobæ.

Ah, occidi

Miser, lumen, quo nihil est homini charius,

Mihi infelici penitus ereptum est. An. quid ais? hem,

Numnā perimus? quid terram prospectas? erigito caput

Obscuro? quid obuerti mihi occipitium, an te tui pudet?

Tobæ. Quid faciā infelix: vix sū apud me, ita hæc mihi

Mentē penitus eripitur inexpectata calamitas. An. Deū

Immortale quid hoc mōstri est? homo planè excæcat' est

Sed vnde quæso mi vir hoc tibi profectū est infortunū?

Tobæ. Aliquantulū permitte ad me vt redeam, audies

Rem omnem. An. O miseriam. Tobæ. Totam hanc

noctem propemodum

Duxi insomnem, dum consanguinei nostri corpus sepelio

Post multam tandem noctem ad somnum me composui: cumq; iam

Paucas quiessem horas, expergiscor denuò: ac statim

Apertis illabitur oculis auicularum, que forte clam

Me parieti cervicali meo contiguo adharebant,

Stercus calidū. hic ego simul & inopinato casu, & graui

Dolore examinatus, è lecto prouolo, meos

Identidem oculos suffricans: at quo magis

Illapsum eluere simum enitor, hoc video minus.

Quid hoc? an non prodigij simile? An. Me miseram,

occidi.

As

Scaron.

Sept. duo.

*An quicquam mentiebar tunc, cum quiddam nobis  
tristius*

*Impendere augurarer? ô miserum vespillonem: vide  
Quæso quam magnificum tibi pro tot, tantisq; officijs  
tuis*

*Deus retulit præmium? Nunc animaduertis arbitror  
Deo displicuisse quod hæctenus egeris: neque enim bo-  
num solet*

*Vnquam malo compensare. Tobæ. Ah, mitte obsecro  
Coniuitarier, satis me excruciat infortunium  
Meum, etiamsi tu exprobrâdo non refices. An. I nunc,  
& Deo*

*Tuum hoc beneficium iacta gratissimum  
Fuisse. Viden' quàm ridicula tibi persuaseris miser?  
Piscator posthac ictus sapiens. Tobæ. Vah, nihil  
Vnquam cuiquam tam accidit infeliciter  
Vt desint, qui malum suis exasperent coniuitijs.*

*Scaron. Verùm id demùm dolet impotentius, si quem  
Aequum est consolarier, is ægritudinem conduplicet.*

*An. O ingentem confidentiam: num cogitat  
Quid dicat? num facti piget? Quod si meis  
Aliquando consilij mos eset gestus, ah,  
Facile hoc declinasset infortunium.*

*Nunc pro tuo peccato ego supplicium quoque  
Suffero, cui eadem mala, bonaq; tecum semper tolerã-  
da sunt.*

*Tobæ. Parùm est, vt audio, esse infelicem, nisi  
Culpa in super infortunium istud cõmeruisse existimer.  
Quasi quotidiana non abundè doceat experientia,*

*Deum.*

*Deum quò quenquam plus diligit, eum hoc affligere  
sæpius.*

*Ad immortalitatem non nisi per ærumnas patet aditus  
An. Enimuerò probe facis, qui te paras*

*Ipse consolarier. nam omnes noti, atque amici deserunt  
Te, nec cuiquam iam Tobæ in mentem venit.*

*Perge tua profundere in homines ingratisimas: Troch.  
Cum alijs profis, tibi ipsi paupertatem accersere. Nunc  
vide*

*Quo pacto huc aduolent, tuis vicissim calamitatibus  
Auxiliaturi: audin? pultando nostras effringunt fores.  
Quod si nunc suppetat istis quod quondam insumptum  
est palponibus,*

*Minus deploranda esset hæc tua cæcitas.*

*Iam nihil opis reliquum est, cum oculis & rem simul  
Amisti. Cuius nunc auxilium imploraturus es miser?*

*Planè ad restim tibi iam res redijt: aut ieiunandum  
erit.*

*Posthac fortiter, aut mendicandum: vtrum maior eli-  
ge. Tobæ. Tace*

*Temeraria, nil me tua mouet procacitas.*

*Idem animus in paupertate erit, olim qui in diuitijs fuit  
Deus etiãnum viuunt, cuius in me munificentiam*

*Nondum sensi claudier: huic fido, tu modo*

*Desine tua hac vti linguæ petulantia.*

*An. Hem desino: tu vide quo pacto effugias in mediam,  
tibi*

*Quam iã imminere denũcio: ego mihi facile prospexeras*

## ACTVS II. SCENA III.

TOBÆVS.

Septenarij.

**S**VMMEME Deus vt tua ope declinanti pericula  
 Frequenter maxima, euasig, persequentium  
 Dolos, ita nunc tuo pater permissu, deuod  
 In triste hoc cecitatis illapsus sum incommodum.  
 Absit tamen vt te incusem, vel tuis obmurmurem  
 Rationibus, cum nihil in rerum natura æquius  
 Aut iustius te existat: cumq, tua mortalibus  
 Planè in scrutabilia sint consilia. Nec diffiteor  
 Peiora me commeruisse: ast & hictuam Deus  
 Facilitatè, & clementiam agnosco. Heu quoties tū ego,  
 Tum maiores mei præcepta tua negleximus:  
 Quoties tuis aduersantes admonitionibus,  
 Diuinas post tergum leges reiecimus? aded vt  
 Nos ceterarum nationum contumelijs,  
 Dictarijs, probris, ac fabulis subieceris.  
 Quod si tuum tu persecutus ius, pœnam vitijs  
 Nostris dignam inflixisses, iam pridem cuncti simul  
 Troch. Cum impio sceleratæ Sodomæ populo in Tartarum  
 Effensus præcipitati. Quare insigniter improbus  
 Sim, si commeritus longè atrociora, tam leuem  
 Odo. Patris correptionem infracto animo recusam perpeti.  
 Tibi me totum dedo Deus optime, tuq, tu e  
 Tutelæ committo: tu quicquid expedire meæ  
 Saluti cognoueris, imponito: vt potero, feram.  
 Hoc ratū vnū (vt verū fatear) animū haud mediocriter  
 Angit,

*Angit, quod hanc oculorum iacturam mihi mea  
 Dicatur conciliasse superstitio: quod ab omnibus  
 Non iam dico maleuolis, sed ab amicissimis quoque,  
 Troch. duo. Immo ab ipsa vxore salibus, ac ludibrijs miser  
 Incessor in super. Vbi nunc est, inquit, Deus  
 Tuus, cuius fauorem tam ridiculo tibi  
 Gratificandi genere conatus es eblandirier?  
 Vide miser quam præclarum, atq, magnificum tuis  
 Periculosis, ac clandestinis laboribus  
 Sis consequutus premium? quod si nostris precibus  
 Te aliquando præbuisse morigerum, facillimè  
 Calamitosum istud declinasses infortunium.  
 Nunc peruciatia tue pœnas das, & sapi  
 Accepto vulnere serius infelix. Huiusmodi  
 Quis obsecro moueatur comitijs Deus?  
 Quis tam manifestam non execretur blasphemiam?  
 Hæccine mihi audienda erunt posthac sapius? Vtinam  
 Ita diuinæ tuæ voluntati visum sit, vt  
 Ex his quamprimum me subducas contumelijs:  
 Iam pridem enim huius vitæ perta sum est.*

## ACTVS II. SCENA V.

TOBIAS, TOBÆVS.

Senarij &amp; Septenarij.

**A**VDIRE mihi  
 Visus sum vocem patris, atque eccum. Salue plu-  
 rimum

C 2 Pater

Pater obseruande. Tobæ. Nate mi. salue, aduenis  
 Oportune: iam enim te iussissem accerfi. Tobî. Bene  
 Igitur habet, quod inuocatus vltro accesserim.  
 Sed quidnam est mi pater quod me velis, lubens  
 Quicquid praeceperis exequar. Tobæ. Nihil, nisi  
 Vt mihi paulisper aurem accommodes, modo  
 Tibi quod ex usu sit futurum maxime  
 Instillauero. Tobî. Pater hic sum vbi voles. Tobæ.

Attentiùs

Igitur ausculta, & quicquid dicturus sum, fac tuo  
 Penitus infigas pectori, ne vnquam excidat.

Mi fili, quæ mea sit etas vides: mors aut iam aderit,  
 Aut certe longius abesse haud potest. Quapropter cum

Deus

Me ex hoc molesto sustulerit corporis ergastulo,  
 Vide vt, paternæ erga te munificentiae memor,  
 Corpus meum honorificè sepelias: & matri tuæ  
 Reuerenter te per omnia obsequentem præbeas:  
 Iamq; caue à te segreges, aut deseras

Dum viuet vnquam: sed senectutem illius  
 Tua fouebis, sustentabisq; adolescentia.  
 Præterea nate mi annitere pro viribus  
 Ne quando dicto, vel facto offendas Deum:  
 Sed vitam dege nulli vitio obnoxiam.

Sic omnia tibi cedent ex animi sententia.  
 Quod autem suppeditatur à Deo, caue  
 Inutiliter profundas, aut attentius  
 Domi accumules: verum quod super est, liberaliter  
 Tenuioris fortunæ amiculis imperties.

Nam

Nam quid horum datur egestati, in Deum  
 Ipsum erogatur. Hæc in pauperes benignitas  
 Hominem ab interitu vindicat, & superstitem  
 A morte, immortalemq; penitus efficit.  
 Verum quod ad connubium attinet, eliges  
 Tibi vxorem de genere tuo, ac prosapia  
 Israëlitica, non exteram, vel à domo  
 Nostra alienam: nam nos, vti nostri probè  
 Vatum sumus progenies. Memoria repetet  
 Fili, quamodo maiores nostri repudiauerint  
 Extraneorum affinitatem: vxoribus  
 De gente sua domum ductis: & hinc est, quod  
 In propagandis liberis fuere felicissimi.  
 Quos si morum probitate, & vitæ sanctimonia  
 Tibi imitandos proposueris, eadem, crede mihi  
 Prosperitate vteris, sobolemq; te, & maioribus  
 Tuis dignam suppeditabit Dei benignitas.  
 Ex alijs facito periculum, tibi quod ex usu fiet.  
 Quod tibi fieri non vis, ne feceris alteri.  
 Nam nihil impunitum relinquetur: licet  
 Error videatur lenis, ac venialis: sua  
 Tamen fili aliquando pœna expiabitur.  
 Et eo genere prognatus es, vt oporteat  
 Ab omni vitiorum genere te esse alienissimum  
 Omnibus amicis, facilem, ac comem fac te præbeas:  
 Nullius aduersans ingenio, cedens cuiilibet.  
 Sic tibi sine inuidia laudem, & amicos facillimè  
 Conciliabis quamplurimos. Ebrietatem haud secus  
 Ac pestem deuita teterrimam: nec luxuri

Scæzon.  
 Oton.

Oton.

Indulgebis: sed grata tibi sit parsimonia,  
 Quæ non abs re magnum vectigal dicitur.  
 Cuiuslibet salubria aduponenti, proinuis  
 Pareto reuenter, ac age gratias. Deum  
 Imprimis obsecra, vt omnia tua consilia,  
 Omnesq; conatus tuos sua secundet gratia.  
 Horum fili quoad vixeris fac memneris.  
 Tobi. Dabitur opera pater mi: sed nihilne est amplius  
 Quod me velis? Tobæ. Est. Iam annus agitur vice-  
 firmus,

Quod in Ragensi prouincia apud Gabelem mihi  
 Cognatione proximum, argenti decem  
 Talenta deposuerim: nunc quandoquidem ed  
 Nobis res redijt, vt pecunia sit opus,  
 Dispice quopactò argentum istud queas ab eo  
 Auferre, suo ipso reddito chirographo.  
 Tobi. Lubens itinere accingar pater: at nescio  
 Qua istud ratione occipiam: nam neq; illum, quẽ vocas  
 Gabelem noui, neque viam qua in Mediam  
 Itur. Tobæ. Quere viæ fidum alicunde tibi comitem,  
 Totiusq; itineris gnarum, atque ad me deducito:  
 Numerabitur pretium quantum poposcerit.  
 De repetendo autem nihil est quod sis sollicitus:  
 Dic modò Tobey filium esse te, marsupio  
 Hoc, syngrapha que illi oblata, pecunia  
 Sat scio, numerabitur propediem: nam vir est  
 Probus admodum, ac fide plenus: cum videris,  
 Dices hominem quantiuas pretij. Tobi. Age, pater  
 Recta in forum hinc concedo, vt queram quempiam.

Sed

Sed quem video huc aduentare adolescentulum  
 Ad iter accinctum? Tobæ. Quo tendat roga. Tobi. o. o. o.  
 Vbi proprius accesserit.

## ACTVS II. SCENA VI.

TOBIAS, TOBÆVS, RAPHAEL.

Eudæcorres.

SALVE hospes honorande. Tobæ. Quid? adestne  
 mi fili?

Tobi. Adest. Tobæ. Salue adolescens amande. Raph.  
 Diuine

Vir salue plurimum. Tobæ. Frustra mihi salutem  
 Precaris o bone, cum omnia mihi succedant  
 Parum feliciter: quem si salus saluum  
 Vellet, nunquam oculis orbasset senem. Rap. Fac sis  
 Animo bono, breui tempus aderit, lumen  
 Tuis oculis quo restituet Deus. Tobæ. Faxit  
 Ita pater celestis. Sed quò tibi iter est nunc?

Raph. In Mediam recta. Tobæ. Ehem, in Mediam?  
 Raph. istac me

Vocant negotiola quedam. Tobæ. Iocône istud,  
 An serid inquis mi hospes? Raph. Quid mihi lucrì  
 Sit, si mentiar? id quod res est loquor. Sed quid  
 Hæc noua sibi vult commutatio frontis?  
 Quid applausistis? quidue estis alacres? Tobi. Nunquam  
 Ego vidi commodiorem hominis aduentum.

Tobæ. Filius hic meus eodem iter parat. Quid si

Hunc imperitioſiorem tibi *via aſciſcas*  
 Comitē? vbi redieris quicquid pretij à me  
 Optaris, id optatum feres. Raph. Nihil vile  
 Moror lucellum. De mercede agemus tunc,  
 Cum filium rediſſe videris ſaluum.  
 Tobæ. Iſtud quidem fiet nunquam. Raph. *Cauē*  
*quicquam*

*Diffidas. Pulchrè omnes calleo vias, haſq;*  
 Regiones peragravi frequentius: nulli  
 Eum commiſeris tutius. Tobæ *Amabò hoſpes*  
*Cuius es? aut quibus parentibus queſo*  
*Prognatus?* Raph. *Quorſum id percontare? nil referē*  
 Ad id quod agimus nunc. Tobæ. *Aueo tuum ſcire*  
*Nomen, terramq; natalem, parenteſq;*

*Tuos, priuſquàm committam tibi gnatum,*  
*Cuius ſalus mihi mea ipſius vita*  
 Potior eſt. Raph. *Ne te ſollicitum habeam, noſtim?*  
*Hananelem, ſenem illum dico, de ſtirpe*  
*Solomithi maioris?* Tobæ. *Quid ni, meum tanquàm*  
*Hunc filium: quandoquidem mihi cum eo magna*  
*Iam inde uſque à pueritia fuit ſemper*

*Familiaritas.* Raph. *Illius ſum filius Aſarias.*  
 Tobæ. *Hem quid ais? igitur ſanguine mihi coniunctus*  
 Es. Raph. *Eſt vt dicis.* Tobæ. *Sed ne id mihi precor*  
*frater*

*Succenſeas, quod curioſius ſtirpem*  
*Tuam expiſcari non erubuerim. Scis quàm*  
 Non ſit tutum cuiquam hoc rerum ſtatu quicquam  
 Committere ignoto: & curæ eſt mihi gnatuſ.

Raph.

Raph. *Patris probi ſungeris officio.* Tobæ. *Ego dra-*  
*chmam*

*In ſingulos tibi pendam dies.* Raph. *Mitte*  
*Inquam pretium.* Tobæ. *Quin beneficium hoc tibi*  
*faxo*

*Vt dicas pulchrè ſœneratum, vbi natum*  
*Reduxeris incolumem. Scio te mea nunquam*  
*Antehac uſum neceſſitudine, memorem*  
 Me dices, ac gratum. Raph. *Facile de eo inter nos*  
*Conuenerit vbi fuerimus reuerſi. Nunc*  
*Vt ſe gnatus pareat tantum iube.* Tobæ. *Hem ſili*  
 I intro, ac protinus ad iter para te: ne  
 Quid huius commodum tua remoretur cunctatio.

Tobi. Fiet.

## ACTVS II. SCENA VII.

TOBÆVS, RAPHAEL, TOBIAS.

Trochaici catalectici, partim ſenarij, par-  
 tim ſeptenarij.

**Q**UAM ſepè accidunt mi adoleſcens que non  
*audeas*  
 Sperare? Oh, vix verbis poſſum conſequi  
 Quantum hic inopinatus aduentuſ tuuſ mihi  
 Gaudiij attulerit. Raph. *Credo: ſed iſtud quicquid*  
*commodi eſt*

*Mi ſenex, vni Deo acceptum referri conuenit.*  
 Tobæ. *Hè, nunc demum mihi lubet viuere, poſtquàm*  
*mea*

Ex progenie talem te cognouero  
 Prognatum. Fac eo semper sis animo, & omnia  
 Quaecunque optaris, tibi optata adferet Deus.  
 Tobi. Hem adsum pater, haud malè vt opinor ad viã  
 Instructus. Tob. Bene factũ fili. Tobi. Iãdudũ meã  
 Matri, dam viaticum numerat, vale  
 Dixi. Tob. Faxit Deus optimus vt incolumes breui  
 Redeatis vterq;. Tobi. Vale mi pater. Tob. Fili bene  
 Vale. Adolescens, tibi committo filium meum,  
 Tu fac eius curam agas. Raph. Curabitur probè.  
 Tob. Hem puer concede huc, meq; intrò reducito.

## ACTVS III. SCENA I.

TOBIAS, RAHPAEL.

Eiusdem generis.

**A**PPETIT vespera frater, lassumq; longa me  
 Reddidit profectio. Raph. Ad Tigrum deuenimus  
 Commorandi hic commodus dabitur locus.

Tob. Tu me deduc ignotũ. Ra. hospitẽ probũ dabo. ad  
 Proximas has sedes si videbitur

ca. Diuortamur, quarum semper hospitio feliciter  
 Vsus sum. Tobi. vbi voles, nihil in me erit mor. e.

Sed priusquam diuortamur quopiam,  
 Ad flumen concedamus rogo, vt pedes  
 Sudore, ac puluere turpatos abluam.

Raph.

Vt lubet, sequar quocunque vocaueris. Tobi. Annis hic

ca. Non fastidiendum pr. ebebit refrigerium mihi.

ACTVS

## ACTVS III. SCENA II.

ANNA.

Octonarij.

**N**VNQVAM mihi senectus visa est onus æque  
 miserum ac modò,

Postquàm ad atatis inualescentis non pauca incom-  
 moda

Multò preterea asperiores super salute filij  
 Accedunt sollicitudines. Nunc demum sentio misera  
 Quantus sit erga liberos parentum amor: vix vnquam  
 animus

Quiescere sustinet: adèd mihi videtur durum, ac graue,  
 Dulci ipsius presentia frui non posse. Immo haud parũ  
 Anxia sum, ne alicubi algeat circũuentus. Multe simul  
 Cõcurrũt suspiciones, quæ meũ animũ diuersum trahũt  
 Vix crepidines periculose, adolescentis parum

Circũspecti imperitia: tũ hospes cuius fidei creditus est,  
 Ignotus. Sed quid ego nunc dicã de marito, qui illum eò  
 Vilis lucelli gratia protrusit? ah, tantã me rem

Tam negligenter agere? saltẽ spectat e fidei viro  
 Commisisset, cum ipsi salute filij pecunia  
 Prior esset. O insaturabilem habendi sitim.

Quasi non multo satius sit paucillum  
 Perdere pecuniæ, quàm filium, vnicam

Nostre senectutis requiem, vitæ subire periculum.  
 Cui si quid, quod Deus prohibeat, aduersi in via accidar

Actũ est. perij: mori malim, quã illi superstes viuere:

Adèd nihil sine eo mihi in hac vita dulce, aut amabile  
 Viderur.

Scena. tres.

*Videtur. Sed quid me ipsam inanibus excrutio quæ-  
monijs?*

*Quicquid id est quod fors feret, infractò præstat ani-  
mo perpeti.*

## ACTVS III. SCENA III.

TOBIAS.

Trimetri partim recti, partim *σκαζόντες*.

**Q**UID quisque vitet nunquam homini satis cau-  
tum est.

*Me miserum totus horreo, postquam mihi*

*Triste illud succurrit periculum. Deum*

*Immortalem, planè perieram, ni Azarias*

*Meus mihi succurrisset. Modò in Tigri*

*Dum me lauo, piscis quidam immanis, ex imò*

*Profiliens gurgite, me omnis infortunij*

*Maliq̃, securum, inopinanter hiantibus*

*Inuadit faucibus. Hic ego formidine*

*Exanimatus, truculentam beluam branchijs*

*Corripio, Azarie inclamans opem: cuius*

*Auxilio superior euadens, prostratam humi*

*Conficio, confectamq̃, exentero quantum*

*Possum, cor & sel palpitanti detrahens:*

*Quæ vsu suum in medicina, vt is asserbat, sunt*

*Habitura: atque hac de re in itinere plura mihi mox*

*Se narraturum promisit. Sed eccum: ipse*

*Foras egreditur.*

ACTVS

## ACTVS III. SCENA III.

RAHPAEL, TOBIAS. Trimetri.

**H**EM frater, rursus ad iter  
Paremus nos, rectaq̃, pergamus Ragem,  
Nusquã cunctantes. Tobi. Adsum Domine, consequar  
Quocunq̃ vocaueris. Sed hoc mihi expedi  
Amabo, quodnam tandem facies pharmacum  
Ex hoc execto piscis corde, ac felle? vix

Credas, quantopere id narrari mihi cupiam.

Raph. Nil te celabo mi frater, namq̃, huic tibi

Non vulgare ariolor oriturum gaudium.

Tobi. Vtinam augur sis verus. Raph. Cor presenta-  
neum

Habet remedium, ad exigendos impios

E corporibus mortalium cacodemonas.

Fel autem medicatur oculis albugine

Obductis. Tobi. Hem, quid ais? in patre periculum

Faciam domum reuersus. Raph. Admiraberis,

Vbi videris rem. Verum iam peruenimus

Ecbatana, neque procul ab adibus tui

Cognati Raquelis absumus: igitur

Huc rectà concedamus. Tobi. Placet. Raph. Ac-  
commoda

Aurem, teq̃, attentum præbe, quod audies

Iam, ex vsu tibi futurum est maximè. Tobi. Ar-  
rexi

Viramque, tu vbi voles exordire. Raph. Hic tuus

SCAZON.

CON-



Con sanguineus Raguel vnica[m] habet filiam,  
Nominè Saram, egregia forma iuuenulam,  
Bonam, bonis prognatam, & dotatam probè.

Tobi. Parentum virtus, castitasq[ue] maxima  
Puellæ dos est. Raph. Moribus in super adeò  
Modestis, ac venustis, vt nihil supra.

Tobi. Audio. Raph. Sedulo agam cum eo, vt in ma-  
trimonium

Hanc tibi det: tu te idem velle fac intelligat.

Non denegabit sat scio: nec si velit  
Maximè, iurè poterit. Nam p[ro]p[ri]et[us] tuum

Nil postulas: tibi enim debetur: vt potè

Qui ei cognatione, ac genere proximus

Es, nec eam contra præceptum Mosaicum

Alienigenæ nuptum locabit coniugi,

Nisi crimen capitale velit incurrere.

Tobi. Nil malim frater, quàm hanc uxorem ducere,

Sed restat scrupulus, qui animum malè habet meum.

Raph. Excessant scrupuli, quid timeas scio. Tobi.

Ferunt

Illam iam olim septem viris nupsisse, qui

Omnes, dum vsu connubij frui parant

Ab Asmodæo principe cacodæmonum

Priusquam in complexum venissent, protinus

Crudeliter interfecti sunt. Periculum

Ex alijs faciam, mihi quod ex vsu fiet.

Raph. Nihil est frater quod vereare, omnem tibi metum

Ademero, meis tantum fac pareas

Præceptis. Audi in quos ius habeat dæmonis

Scelerati immanitas. Qui matrimonium

Brutorum animantium ritu, libidinis

Non prolis procreande gratia ambiunt,

Diuini numinis immemores, bos impetit

Immundus ille spiritus. Tu modo Deum

Veritus, nõ tibi, sed soboli complexum quere: & patris tui Odo.

In memoriam reuoca præceptum, qui tibi

Interminatus est ne coniugem à tua

Stirpe alienam vnquam duceres. Hæc si tuo

Infixeris animo, nihil est quod dæmonis

Exhorrescas insultum: protinus fugam

Dabit, vbi te his armis instructum senserit.

Quare cubiculum ingressus (nam compertum habeo

Illam te hac nocte uxorem ducturum) dies

Tres vide ab vsu connubiali temperes,

Orationibus interea cum ea vacans.

Secunda nocte in sanctorum patrum statim

Admitteris consortium. Nox tertia

Propagandæ demum soboli dicabitur.

Huc vbi vos liberorum procreatio, aut

Humanæ carnis illexerit infirmitas,

Stratum primum relinquitote, Deumq[ue] humi

Prolapsi supplices adorete, vt sua

Vos dignetur clementia: impiumq[ue] procul

Pellat cacodæmonem. Simulq[ue] sumito

Cor piscis, & hinc sub eius vestes sufficium facito: quem Odo.

vbi

Nidorem olfecerit Satan, perterritus

Cubiculo cedit, fugietq[ue] puellam illic:

*Nec relictam repetet vnquam. Tobi. Deus bone, Animus tremore simul & gaudio mihi Inhorrescit, dum tam prodigiosa audio Te commemorantem. Faxit Deus vt experiar Propediem, hæc à te fatidico ore dicier. Sed quisnam ille senex, quem conspicio ex adibus Hic prodeuntem, promissa barba ac senio Venerabilem? Raph. Ehem, hic ip[s]us est Raguel, patris Tui cognatus. Tobi. Quid audio? feliciter Sane succedunt omnia, cum ille qui alioqui Esset querendus, vltro nobis venit obuiam.*

## ACTVS III. SCENA V.

RAGVEL, EDNA.

Septenarij, & octonarij Iambici, excepto primo qui trochaicus est.

**Q**UOTIDIANAE lamentationes filie  
 Perpetuaq; orbitatis deploratio, me ed  
 Redigit infelicem, vt quid agam, aut vbi fini nesciam.  
 Nunquam tam manè eius cubiculum ingredior, neque  
 tam vespere  
 Vnquam licet de improviso, reuertor, quin conspicer eã  
 Singultientem, ac calamitatem deslentem suam.  
 Si quando lachrymantem consolariet, ac egritudinem  
 Animi afflictioratione pares lenire, nihilo plus  
 Efficias, quam si aduersus stimulum calces, aut latrem  
 Laues,

*Laues. Nec vnquam tam blandè dicere possum, se vt respiciat, Pectusq; inutili mœrere excarnificare desinat. Altius animo inhaeret dolor quam vt euelli queat. Me miserum, adeo rem redisse, vt vnde alij non mediocrem Voluptatem percipiunt, hinc mihi grauis exundet dolor? Iam olim cum mihi coniunx peperisset filiulam, Deum Immortalem quanto perè mihi plaudebam: atque adeo gaudium ex Ea mihi pollicebat perpetuum, ac bene stabile. Quæ simulac grandiuscula esset facta, ita vt illius Ingenium iam nosci posset, tum omnes omnia bona dicere, & Laudare fortunæ meas, qui gnatum haberem Ingenio tali præditam. Verum ex ea miser Quem nunc capio dolorem? facile hic plus mali est, quàm illic boni. O calibatam quouis potiorems connubio. Sed video uxorem, quid dictura sit nescio. Edn. marte mi Oportunè pol te hic stantem reperio. Mitio Noster vicinus ait se cupere, vt ipsi operam des paululũ: Rag. Qua in re? Edn. Equidem nescio, nisi quod inter hunc Et Hegionem ortum sit nescio quid controuersie. Fortasse te ceperunt arbitrum. Rag. Demitor quid fiet. Sequar euestigio. Sed quosnam huc aduentare video*

Catal.

Scnat.

*Adolescentes? ad nos, ni fallor, iter instituunt. Hęc mane Pauli sper.*

## ACTVS III. SCENA VI.

RAPHAEL, TOBIAS, RAGVEL,  
EDNA. Eiusdem generis.

**E**GO hac de re hunc adoriar, tu fac dormias  
*In utramque aurem: nam quod ambimus, facile  
impetrabimus.*

*Pulchrè hominis sensum calleo, tu modo vide subseruias  
Orationi. Tobi. Laudabis. Si impetras, quid aliud  
Malim, quàm hodie has fieri nuptias. Raph. Quin  
commodè*

*Eius quoque adest vxor. Honorande vir, salue. Tobi.  
Precor*

*Tibi salutem matrona optima. Rag. Idem cum scœnore  
Vobis reprecamur adolescentes humanissimi.*

*Quam bellè hic iuuenis Tobæum fratrem nostrū refert,  
Toto corporis habitu? eundem esse putes, et as si cōgruat.*

Senar.

*Edn. Per omnia, ita me Deus amet, ei simillimus est.  
Cuius es fratres, aut quibus nati parentibus?*

Senar.

*Tobi. Ex captiuis Niniæ agentibus, è familia  
Nephtaliensi. Edn. Nullar vobis est familiaritas  
Cum Tobæo fratre meo? aut nostisne senem quempiam  
Eo appellatum nomine? Raph. Nouimus probè. Rag.*

*Quid audio?*

*Valètne? Tobi. Valet quidem, sed oculis orbatu est  
miser. Edn. Perij.*

Rag.

Rag. *O miseriam. Vah, dignu est fortuna meliore. Næ  
Istiusmodi hominum iam nobis ingens penuria est.*

*Vir est antiqua virtute, ac fide. Oh, nunquam mihi  
Quoad vixero, eius ex animo elabetur memoria.*

*Tobi. Tobæus hic quem vos fratrem uterq; appellatis,  
pater est meus.*

*Edn. Quid ais? Rag. Nil me sefellerunt oculi, dum  
te per omnia*

*Tobæo similem prædicarem. Bone Deus, præ gaudio  
Vix sum apud me: Tenèone te cognate mi? ah lachry-  
mas mihi*

*Ex oculis excutit inopinata hæc felicitas.*

*Edn. O saustum ac felicem hunc diem. Rag. quis non  
miretur hoc*

*Tantum, ac tã insperatū bonum? Deū tibi mi fili precor  
Secundū, ac propitiū, quandoquidè ex integre vitæ viro  
Prognatus es. Hem vxor quam primū in intro subducito*

*Te, ac mactato arietè bene saginato, conuiuium appara:  
Mox simul omnes sequemur, ac hilarè sumemus hęc diè*

*Quid aliud volui dicere? hęc, Mitioni facito vt nunties,  
Mibi esse negotium, ne me expectet: sed huc*

Senar. duo.

*Ad nos veniat, si quid habet seræ rei.*

## ACTVS III. SCENA VII.

TOBIAS, RAPHAEL, RAGVEL.

Trochaici catalectici, partim septenarij,  
partim octonarij.

**N**UNC est tempus frater vt de matrimonio  
Sermonè inijcias, dum occasio fert, ac soli sumus.

D 2

Rap.

Raph. *Tace, idipsum in pectore agebam dudū.* Rag.

*Nil iam diu mihi*

*Quod magis vellem euenire, euenit. O Deus*

*Serua obsecro nobis hęc bona. Hęc, intrò si placet*

*Commessatum concedamus. Raph. Paulisper mane, ut tibi*

*Commemorem, qua gratia huc ad te diuertimus.*

*Nam haudquaquam de nihilo est, quod tam longum iter suscepimus.*

Rag. *Atqui id à conuiuio narrabitis oportuniùs.*

*Nunc tantum vos præbete hilares, antequam hoc se gaudium*

*Aegritudo aliqua contamine. Raph. Voluptatē mihi*

*Crede, geminabit, si facilem, & exorabilem*

*Te præbueris. Rag. Absit nostrum ut remorer commodum.*

*Agedum, ausculto. Raph. Hic orat ut nuptum sibi tuam loces*

Senar. *Filiam. Quid extimuisi, aut quid taces*

*Mi senex? Quod metuis facile propulsabitur.*

*Nil me præterit quod te sollicitum habet. Age, desine*

*Terguersarier: Huic debetur iuxta Mosaicę*

*Legis edictum, ut potè genere proximo, & pijs*

*Prognatoparentibus, quapropter desponde, ut simul*

Iambi. *Leti omnes agitemus conuiuium. Rag. Non dubito quin Deus,*

*Cuius inscrutabili consilio omnia geruntur, huc*

*Vos, lachrymis nostris tandem commotus, miserit:*

*Quapropter ne videar sequaxiv, lubens tibi*

Tobia

*Tobia hanc in coniugem tradidero: nam gener placet Ut qui maximè: sed est cur non expediat. Tobi. quid precor?*

Rag. *Non opus est prolato. Raph. Rem omnem non- Senar. umus.*

*Nihil erit periculi. Rag. Deus istos perdat inuidos,*

*Qui hęc libenter nuntiant. Tamen meum ipsius*

*Circumuenisse nepotem meritò credar, ni id proferam*

*Denuò. Illam iam maritis septem, ne sis insciens,*

*Non ita pridem in uxorem locaui, qui simul*

*Omnes nocte prima, antequam ea essent potiti, à demone*

*Nescio quo sunt interfecti: quamobrem si tuę*

*Consultum velis salutem, mitte hanc rem, & affinitatem Acatal.*

*Tibi aliam, potiore, ac commodiorem querito: nam sapit*

*Is mea sententia feliciter, periculo*

*Qui sapit alieno. Tobi. Ah, nihil omnino me cacodemonis*

*Terret assultus: Deo, qui me immunem hæctenus*

*Ab omni conseruauit infortunio,*

*Hanc meam committo vitam: apud hunc tutum patet Iambi.*

*Innocentię confugium. Quapropter sine*

*Te exorem: alioqui nunquam hodie tam blandè dices mihi,*

*Vt cibū tecum capiam. Rag. Ah, ne me obsecra, quasi*

*Hoc te orando à me impetrare oporteat. Scio tibi*

*Vni deberi, & nulli locauerim lubentiùs:*

*Sed vereor ut in rem tuā sit. Raph. Erit, tantum Deo*

*Fac cōfidas. de spōde. Rag. Age, nil detrecto, de spōdeo:  
Tobi. Meritò te diligo cognate mi. Accersi iube.  
Raph. Intus id cōmodiùs transigetur. Rag. Vt lubet.  
Quis me fortunatior, si hoc conuquum feliciter  
Cesserit? Raph. Quam mox intramus? Rag. Hem prae  
cedo, vos*

Scenar.

*Me consequimini. Tobi. Deus vortat bene.*

## ACTVS IIII. SCENA I.

PHÆDRA, MYRRHINA.

Trochaici catalectici, fenarij &amp; septenarij.

**Q**UID ais Myrrhina, datūrne illa hodie hospiti  
Isti nuptum? Myr. Ita est. Phæ. Qui scis? Myr.  
Hera mihi, fortè dum

*Modò sit obuiam, narrauit. Phæ. O senem  
Audacem, ò infortunatum adolescentulum.  
Cui si exitium moliaris, quò nisi*

*Huc instiges infelicem? Myr. Forsitan  
Nunc quam quondam succedet felicis.  
phæ. Scis quam feliciter? eodem premio  
Quo septem alij nunerabitur miser.*

*Myr. Qui scis, nisi periculum sit factum? Phæ. At in  
Adolescente tam generoso id experirier,  
An non extreme cuiusdam insanie est?  
Non pol se dignum facit herus, qui tam amabilem  
Iuuenem ineluctabili periculo obijcit:*

*Ecce quàm iniqui sunt homines prae studio, dum id  
quod expetunt,*

Odo.

Effi-

*Efficiant. Myr. Hem Phædra, satin sana es, quæ hero  
Maledicas? Vide ne lingue incontinentia  
Tibi malum aliquod pariat. Phæ. Quid agam misera?  
non queo*

*Quin lachrymem, cum mihi tam audax facinus venit  
In mentem. Quid tibi nunc eius formam prædicem,  
Cum tute ipsa eum conspexeris modò?*

*Myr. Perliberalis visus est, Deos precor  
Vt superstes sit. Phæ. Ne comparandus hic quidem  
Est ad illos, quibus olim nuptum data est.  
Verùm vt sit superstes, in nobis situm est  
Myrrhina. Myr. Cedo, què sic? nam illi bene faxim lu-  
bens.*

*Phæ. Rem omnem ipsi clam narremus: sententiam  
Mutabit, vbi quod alijs factum est cognouerit.*

*Myr. Hau hau, sanane es mea Phædra? an hoc tibi  
Proferendum vsquam videtur? hem, vide  
Quam rem agas. Phæ. Adolescentè ex morte reuoca-  
uero*

*Ad vitam. Myr. Pol si sapiis, quod scis, fac nescias:  
Ne tibi officiosa ista tua incommodet  
Curiositas. Phæ. Sanè mihi curæ est, quò hoc fiet  
Euenturum. Myr. Et mihi quidem. Verùm quid hinc  
Ociosæ diutius moramur, cum omnia  
Intus per strepant vndique tumultibus: hinc  
Ocyus nos amoliamur: nolo me hinc hera  
Tecum garrientem conspiciat. Phæ. I prae, sequar.*

Iambli.

## ACTVS IV. SCENA II.

TOBIAS, SARA.

Senarij, septenarij, &amp; octonarij.

**B**ONO animo esto anime mi, Deus dignabitur  
Sua nos misericordia, si nostris diffisi meritis,  
Ad eius supplices confugiamus clementiam.

Sar. Ita spero. Tob. Procumbamus igitur uterque  
in genua, & open

Imploremus diuinam aduersus quam nihil valet  
Imbellis furiosi cacodaemonis serocia.

Humani generis conditor, ac propagatur Deus,

Qui primus sacratum connubij sacdas

Inter Adamum, & Euam generis nostri principes

Sanxisti, quos sumus ut hanc nostri matrimony

Societatem, quam iuxta diuinum tuum

Decretum, inter nos hodie pepigimus, ratam

Ac felicem, auffsicamq; atque liberis

Fecundam esse velis, impiumq; procul hinc arceas

Hostem Asmodsum, septem interfectorem adolescen-  
tium:

Ne in nos sua eadem immanitate vtatur. Scis Deus.

(Nihil enim te fugit) me hanc non libidinis

Sed sobolis propagande gratia duxisse coniugem

Idq; ex Mosaicæ, atque Israëliticæ

Legis decreto sanguine, ac cognatione proxima

In uxorem ascita. Quare nostri precor

Misertus, ab hostili me dignare impetu tuerier:

Vt me

Vt me iam meditando adorari, vires desideret suas:

Deterritusq; fugiat, cum se inermem senserit.

Sar. Amen. Tob. Eamus nunc in conclaue soror dile-  
ctissima,

Vt iuxta Azariæ præceptum ex corde piscis, hæcenus

Penes me in hunc usum conseruato, tuas

Sub vestes suffutum faciam, atque ita Satanae dolos

In me intentatos eludam. Sar. Vbi voles, sequor.

Deus nostris fauere dignetur conatibus.

## ACTVS IV. SCENA III.

RAGVEL.

Trochaici senarij, septenarij, & octonarij  
catalectici.

**C**VM iam pridem mens aduersus erummas, indies  
In deterius gliscentes occalluerit, nunquam tamē  
Talis animo incessit sollicitatio, ac modò:  
Aded vt somnum hac nocte oculis non viderim meis.  
Quoquò me verto, anxietas, dolor, metus  
Vndique circumuallant infelicem. Quàm velim  
Has nunquam coisse nuptias: non quòd gener  
Aut affinitas displiceat (nunquam enim magis  
Aptum, ac filia magis firmum dispexero virum)  
Sed quòd adolescentulum mihi sanguine  
Ac cognatione proximum, insuper mea ipsius  
Filia haud minus charum, periculis  
Propemodum ineuitabilibus obiecerim.

D 5

Eius

*Eius me miseret, ei nunc timeo, is me nunc sollicitum habet.*

*Quod vitam nunquam suadere AZARIE  
In mentem venisset, neu cupidum me eò  
Impulisset: quod mihi principium est mali. Ah, Deū mihi  
Iratum arbitror, qui huic auscultauerim,  
Qui tantas suis consilijs confecit mihi  
Sollicitudines: cui si restitissim peccatore  
Infracto, nihil mihi nunc metuendum esset mali.  
Quin & ipse Tobias orare haud destitit,  
Donec quod petebat impetraret. Quid tum? num illicò  
Morem gestum oportuit? Fuiisset tum quidem  
Illi egrè, si denegassem: at bidui, aut  
Tridui hac tantum fuiisset sollicitatio.  
Post rem secum recta reputasset via.  
Nunc nihil loci excusationi est relictum: omnia  
Perturbavi, perdi di nepotem, fratrem filio  
Vnico fraudavi. Hem canitiem? Me quem prudentis  
Et longo rerum vsu solertem, ac vaftrum  
Esse conueniebat, nihilo plus sapuisse, quam  
Vix egressum ephesiam, ac etate imperitum, denique  
In amore occupatum adolescentem? Modò  
Aderit vereor, qui ipsum ab Asmodeo demone  
Nunciet trucidatum: atque ideo negotium dedi  
Cuidam ex famulis, vt sepulchrum noctu clanculum  
Effodiat, quò ante exortum solis, si fortè (quod Deus  
Auertat) perimatur, sepeliam: ne fabula  
Fiamus vulgi, magisq; traducamur, ac probris  
Incessamur a superioribus. Sed quid sibi*

Vult

*Vult quod vxorem tam manè? quam besterno die  
Ob negotia culinaria ad multam noctem scio  
Vigilasse? Eheu, quam metuo, ne ex hac quod doleat  
audiam.*

## ACTVS IV. SCENA IIII.

EDNA, MYRRHINA, RAGVEL.

Eiusdem generis.

**H**VC me sequere Myrrha, est quod mandem.  
Myr. Hem impera,  
Ac puta factum. Edn. Quamprimùm vise quomodo  
in filie

*Se res habeat cubiculo, num vterque viuat*  
Nec ne: nā nimis sollicita sum misera, ac timeo omnia.  
Myr. Credo hera. Nihilne amplius est, per me quod  
curatum velis?

Edn. Nihil, hem, matura reditum. Myr. Iam iam  
adereo. Edn. Ego interim

*Hic tantisper dum redis, opperiar foris.*  
Nunquā ita vt nunc animus spe, metu, atq; gaudio fuit  
Perturbatus. Rag. Hem vxor, quopactò se res habent  
Intus? Num parum ex sententia? Edn. Ab marite.

Rag. Quid taces?  
Occidi miser. Ed. Equidè ignoro mi vir, eoq; Myrrhinæ  
Nostræ vt visat præcepti, mihiq; rem illicò renunciæ.  
Illam hic opperiar dum redeat. Atque eccam bonum  
Ædepol, nisi quid me fallit mens, apportat nuncium.

Contem-

Acata

Contemplare vt gestiat. Rag. Mirum ni gaudio:  
Procedamus et obuiam. Myr. Vbi ego illam inueniam  
cogito?

Vt metum in quo nunc misera est adimam, atque ani-  
mum expleam

Gaudio? Rag. Huc huc Myrrhina. Myr. Hem mi he-  
re, commode

Pol utranque vos reperio: nuncium

Adfero, cumis vos participes fieri maxime

Optatis scio. Rag. Hem, viuítne? Myr. Viuit. Edn.

Quid, viuít? Myr. Valet

Inquam, ac viuít incolomis. Rag. Quid obsecro,

Num ludis tu nunc nos? Myr. Egone vos! quamobrem?

Rag. nescio,

Iambi. Nisi quia quod impensius hoc esse cupio verum, ed vereor  
magis.

Quis nobis felicior, siquidem tu hæc vera predicas.

Edn. Oh, vide sodes, vt nobis certa nuncies,

Ne nos in falsum, idq; breue conijcias

Gaudium. Myr. Egon? quicquam falsi dicam, aut  
mentiar

Misera, verissima comperies que adfero.

Dum ingredior gynæceum crepitum prohibeo cardinũ,

Forũumque sonitum: hinc ad lectum placide suspensio  
gradu

Ire perrexi, accessi, astiti, suauiter

Inuenio utrumque cubantem. Quid hoc? Numnam vo-  
bis parum

Etiã exploratũ videtur quod narro? Rag. Hem, satis

Certa

Certa omnia mea Myrrhina, hesitare dudum desij.  
Sed quid ego tibi pro nuncio hoc donem? Myr. Nihil  
Quidem: extra officium feci nihil. Rag. Ego te sinam  
Sine munere abire, ex Orco qui mortuum  
Me reducem in lucem feceris? Edn. O festiuissimũ diem  
Rag. Verũm Azariam eccum video stare ante ostium:  
in sinum

Huius hoc quod nactus sum effundam boni.

Edn. At nos intrò rectè concedamus Myrrhina, vt

Totam familiam delibutam reddamus gaudio.

## ACTVS IIII. SCENA V.

RAPHAEL, RAGVEL, Puer.

Trimetri Iambici.

AD extremos vsque Ægypti sinus, impium  
Obtorto collo protraxi cacodemonem:  
Atque ibidem frustra conantem eluctarier,  
Tam arctis colligauit compedibus, vt huc  
Vnquam reuerti non sit integrum. At quis hic?  
Hem, Raguel est Numnam hæc audiuit? non arbitror. Sept.  
Rag. Deus sum si nulla egritudo huic gaudio  
Vnquam intercesserit. Raph. Quis hic se venditat  
Beatum? Rag. Oh Azaria, mearum omnium  
Voluptatum inuentor, scis in quibus sim gaudijs? Sept.  
Scis Tobiam viuere saluum? Raph. Quasi nesciam  
Assimulabo. Rag. Assimulabo procul hinc in malam  
Abactò rem? Rag. Hè, bene, ita me Deus amet, factũ. Scaron.  
Rag.



Rag. Res nulla potest mihi tanta interuenire iam  
Vt aegritudinem conciliet. Nescio

Odo. tres. Quid commemorem primum, aut quæ laudē maximē:  
Illum qui mihi dedit consilium vt facerem, an me qui  
sum ausus id  
Incipere. Raph. Neutrum ô bone: Deo vni acceptum  
id fieri conuenit:

Qui vestris cōmotus lachrymis aliquando vos respexerit.

Rag. Scio mi frater: neque hoc eo dictum volo,

Quasi citra illius opem quicquam nostra valeat

Industria. Da veniam, homo sum, humani nihil

A me alienum: delirat lingua gaudio.

Rap. Quin moderare affectibus: etenim vt virū decet

Fortem, res aduersas infracto perpeti

Animo: ita nihil intolerabilius, ac Deo

Magis inuisum, quàm dulci fortuna ebrium

Secundus insolescere. Quapropter dum ego

Intus quod restat perago, tu supplex Deum

Interea comprecare, vt hoc tibi gaudium

Velit esse perpetuum, ac stabile. Rag. Moneo probè,

Odo. Proin: & hic, & alibi tibi lubens obtemperauero.

Deum immortalem quantò mihi nunc plus sapit

Sept. Hic adolescens, quā egomet mihi? quā prudēter cōsulit?

Quam comiter simul, ac salubriter increpat?

Quam perspicit omnia? in occipitio oculos quoque

Habere hunc verè dixeris. Vah, me meæ

Pudet canitiei, cùm iuuenem impiberem

Etiannum, longè plus sapere conspicio, quàm

Trocha. Me senem: cuius prudentia adolescentium

Moderari

Moderari conueniebat insipientiam.

Sed commodè venit in mentem. Heus Puer ocys

Ad Sostiam propera. Pue. quid vis dicam? Rag. Vt  
statim .

Sepulchrum quod modò effodi præceperam

Iniecta terra obducat denud, ac solum

Scitè exaquet, ne vllum existet vestigium . Pue.

Abeo.

## ACTVS QVARTI SCE-

### NA SEXTA.

#### RAGVEL.

Senarij, Octonarij, & pauciores Septena-  
rij.

SATIS superq, iam datum est affectibus:  
Nunc celebrandus est mihi Deus, qui me sua

Dignatus est munificentia. Ago tibi gratias

Ioua Parentum nostrorum Deus, qui in me

Tot vndique circumseptum calamitatibus,

Tam immensa subito contulisti commoda:

Qui me ex morte in lucem, qui ad vitam ab inferis

Reuocasti. Sed quid ego te laudem mi Deus?

Ah, nunquam tam magnificè quicquam dicam, quin  
benignitas

Id superet tua: nam maior est tua erga nos clementia,

Quam vt humana lingua præconio celebrari queat.

Tue

Scalon.

Tua vnus opera estuantis pelagi fluctibus  
 Exemptus, incolumis in portu nauigo.  
 Tui muneris est quod nostræ pernicies familiæ  
 Asmodæus, hisce eiectus ædibus, procul  
 Hinc turpiter exulet: tibi cantur epinicion:  
 Tibi triumphus debetur soli, nihil  
 Etenim hic est, nostræ quod sibi vires arrogant.  
 Tu vnigenitos duos miseratus hanc nostram domum  
 Ab impuro cacodemone vindicasti: tu mihi  
 Talem dedisti generum, qualem nec merui,  
 Nec optare ausim vnquam. Quid multis? nox diem  
 Ademerit prius, tua quam erga me commemorem be-  
 neficia:  
 Tot mihi de improviso obiecisti commoda. Vtere  
 Porro tua mi Deus in eos clementia, vt  
 Incolumes, & ab Asmodæi insidijs tui, suauiter  
 Et atem transigant: tuumque ita in se prædicent  
 Ac laudibus vebant beneficium, vt tua  
 Cunctis innotescat mortalibus benignitas:  
 Téque veneretur, ac colat vniuersum hominum genus.  
 Nunc, vt diei tempus est, conuiuium  
 Splendido instructum apparatu adornari iubebo,  
 Ad quod amicos omnes volo vocarier,  
 Vt solidum hoc, numeris que omnibus sit absolutum  
 gaudium.

Trocha.  
 acata.

ACTVS

ACTVS IV. SCENA VII.

TOBIAS, RAPHAEL.

Octonarij.

**A**B S quiuis homine, cum opus est beneficium acci-  
 pere gaudeas:  
 Verum id demum iuuat, si de quo nunquam meruisti  
 bene, is

Facit. O Azaria mi, ô mi frater, quid ego nunc prædicẽ  
 Tuam in me munificentiam? certe nunquam tibi tua  
 Satis dignum virtute premium referre queam. Etiam  
 Si me tibi in perpetuam seruitutem traderem, tamen  
 Tuis erga me officijs paria facere non possem. Rap. tace  
 Obsecro, bene collocatum arbitror beneficium, in ami- Scazon.  
 cum quod

Confertur. Si qua in re præterea opera mea egeas, im-  
 pera,

Ac factum arbitrare. Tob. Deus me oderit, ni te ma-  
 gis quam oculos

Amo meos. Si frater esses, qui magis morem geras?

Vtinam sit in quo tibi contra gratificari queã. Sed ad  
 Rem. Haud te latet opinor, quo pacto me sacramento

Raguel  
 Obstrinxerit, fidemq; dederim, me ante dies quatuor-  
 decim

Ex eius non migraturum ædibus: iamq; parentes mei  
 Reditum nostrum sollicitè operientes, sat scio, numerat dies.  
 Quod si ad dictum tempus nõdũ reuersos nos cõspexerint:

E Immane

Sept.

Immane quantum sollicitudinis illis nostra pepererit  
 Mora. *Quare ne aq̄d cunctemur diutius, velim*  
*Vt assumptis duobus hinc camelis, seruisq̄, quatuor,*  
*Ragem ad Gabelem auunculū recta profisciscaris via, &*  
*Argentū, cuius gratia iter hoc susceptū est, repetas: dein*  
*Ad nuptias meas tecum reuerti dignetur, roges.*

Scnat. 4.

Tantisper nunquam te morabitur scio,  
*Quin habeas illud quo die illuc veneris:*  
*Si modò suo illi reddito marsupio,*

Sept.

*Quid sit, quod me hic detineat, commemoraueris.*  
 Raph. *Neque hic, neque alibi vsquam erit in me mo-*  
*ra. Nullum defugiam*

*Laborem, dum profum tibi. At nihilne praterea? Tobi.*  
 Nihil,

*Nisi vt nobis, si fortè difficiliorem se prabeat,*  
*Blandicijs huc istum pellicias senem. Raph. Agedum,*  
*dabitur opera.*

*Tobi. Faxit Deus vt tibi eunti, ac redeunti salus ipsa*  
*sit comes.*

## ACTVS IV. SCENA VIII.

SOSIA, MYRRHINA.

Trochaici senarij, & septenarij, partim ca-  
 talectici, partim acatalectici.

**T**OTVM hunc propemo dum cursando, acambu-  
 lando

Contrinui diem: perreptavi vsque omne oppidum,

Ad

*Ad forum, ad macellum, & quò non? dum quæ opus*  
*sunt*

*Ad nuptias paro: vix arbitror decem*  
*Famulos tot suffecturos negotiorum*  
*Occupationibus. Nec quicquam nunc magis*  
*Metuo, quàm ne denuò hinc aliquid miser*  
*Extrudat: quod si fit, actum est, perij. Postulem*  
*Nunc me defatigatum refocillariar*  
*Siliceret. Sed miror quid Myrrhinam*  
*Cantharis duobus conspicio suffercinatam,*  
*Alloquar. Hem mea Myrrhina, quid sit, quid agitur?*

Myr. Rogas?

*Quid fiat: tota donus perstrepat rumoribus,*  
*Omnes nostrarum rerum satagimus: interim*  
*Tu, quasi nihil sit, quod intus agas, ante ostium*  
*Hic ociosus restitas? Sof. Quinam malum*  
*Ociosus, qui me hodie sursum cursitando*  
*Ac deorsum, adèò defatigauerim, vt*  
*In cursu ferè conciderim miser: atque istud hic*  
*Dum tu accedis, stomachor mecum. Myr. Vix tibi*  
*Gratum faciam Sosia? Sof. Nihil malim, si quidem*  
*Posses. Myrrh. Posses maximè, si lubeat. Quid*  
*tibi*

*Hoc vini placet? Sof. Hand malum hercule: quid tum*  
*postea?*

Myr. *Hinc haustum tibi plenis propino faucibus.*  
 Sof. *Oh, bearis, si hanc mihi prestes munificentiam. Cedo oco.*  
*Cantharum sodes: gratum me, sat scio,*  
*Dices, ac memorem. Myr. Quid ais: equidem iocabar*

Iambi.

Stultè. Sof. *Garris? si viuo, mox referam gratiam.*  
 Myr. *Agedum inepte, resiste, quò fugis? Sed parcius*  
*Mi Sofia, ne sentiat herus: nam scis quam sit ad*  
*Has res perspicax: & noni ego ingluuiem tuam.*  
*Hem, perij, dimidium exhausisse vinosè: mox*  
*Vapulabo misera.* Sof. *Abi stulta, nescis fallere*  
*Homines: quod factum est dispendij, vide*  
 Oco. *Sarcias.* Myr. *Quo pacto amabo?* Sof. *Uah, nescis? in-*  
*fusa aqua.*  
 Myr. *Dixi pulchrè, si verbera mihi velim*  
*Lucrifacere. Sed ostium concrepuit, pratinus*  
 Iab. duo. *Intrò fugiamus, ne quis forè hic nos opprimat*  
*Otiosè garrientes: sequere me.* Sof. *Sequor.*

## ACTVS IV. SCENA IX.

GABEL, RAPHAEL.

Senarij.

**I**NCREDIBILIA sunt quæ narrasti modò:  
 Deum immortalem nihil vnquam in vita mihi  
 Renuntiatum est gratius. Sed accipe, hem,  
 Lectum est, conueniet numerus quantum debui.  
 Raph. meritò te amo mi Gabel, & habeo gratiam.  
 Gab. Præsertim vt nunc sunt mores, adèò res redijt,  
 Si quis quid reddit, magna habenda est gratia.  
 Raph. Verùm dicis, perfidiarum plena omnia.  
 Sed quid gestis? quid due es alacris? Vulgus hominum  
 Scazon. *Si quando numerandum est paucillulum, frontem*

Auerfus

Auerfus *contrahit illicò, supercilia*  
*Adducit, ambages querit, quin aufugit*  
*Non raro creditorem eludens. Cæterum*  
*Vbi fides est, si roges, nihil pudet.*  
 Si infestis, ibi tum impudentissima eorum est oratio Sept.  
 Quis tu es? quid tibi rei mecum est? adèò vt tibi  
 Amicum inimicum beneficio efficias tuo.  
 Atqui hoc genus hominum non sibi solum male  
 Consultit, at reliquis etiam, qui nihil male  
 Vnquam meruerunt, perfidia sua fidem  
 Planè abrogat: cum ex illorum impudentia  
 Horum quoque ingenium metimur. Te simul  
 Ac depositi commone facerem, tuo tibi  
 Oblato syngrapho, quam nihil omnino sis  
 Commotus, tua fuit inditio oratio.  
 Adèòque admonitus nihil offensus es, vt mihi  
 Nunc multò videaris quàm dudum hilarior.  
 Gab. Ita decet ò bone. Cum deponeretur, mihi per- Oco.  
 sua seram,  
 Ea conditione esse creditum, vt statim  
 Vbi ipse reposceret, esset restituendum. Et licèt  
 Non admodum lauta mihi domi res sit, tamen  
 Vnum hoc curauis adhuc, vt mihi esset fides.  
 Raph. Felix qui eo sis animo. At insuper aliud est,  
 Quod multò mihi præcepit accuratius.  
 Gab. Quidnam obsecro? Raph. Vt ad suos illuc te  
 nuptias  
 Adducerem. Gab. Luberet, nisi iter longius  
 Esset: & etate infirmum hoc est corpusculum.

E 3

Raph.

Raph. Nil opus est viribus: ueheris commode:

Tum fabulis itineris edulcabitur

Sept.

Molestiam. Gab. Suadere noli. Raph. Quid ni suadeam:

Immo haud omittam, ni exorcem. Gab. Quamuis animus

Non mediocriter à proficiscendo abhorreat,

Tamen cum vos tantoperè istud velle video,

Age, fiat, promitto. Raph. Pol te dignum facis

Mi Gabel: intro igitur, ut te pares. Gab. Age.

## ACTVS V. SCENA I.

### RAGVEL.

Octonarij, septenarij, & senarij.

**Q**UIDNAM in rebus mortalium tam succedit feliciter.

Quod non suam habeat admistam aegritudinem?

Ita profectò natura comparatum est, ut dolor

Voluptati comes indiuiduus consequatur. Plus mihi

De improviso, ac præter spem obiectum est gaudij,

Quàm vnquam à Deo fuissem ausus sperare. At nunc vide obsecro,

Quantum mea hæc felicitas mihi sollicitudinū adferat:

Cum filiam meam nepoti nuptum do, iubeo fidem

Mihi det, se intra dies quatuordecim domum ad

Parentes non reuersurum: sperans diuino

Conuictu, ac familiaritate illum ita deuinctum fore,

Vt aut nunquam de patria repetenda cogitaret, aut

Saltem

Saltem se propediem reuersurum promitteret.

Nunc neutrum impetro nisi. Venit hodie ad me, mi pater,

Inquit, decimus quartus iam agitur dies, qui me à fide tibi

Data liberat: animus est iam pridem domi

Apud parentes, quos mea non mediocriter

Sat scio sollicitat cunctatio. Quare precor

Vt mihi iam illuc pace tua vnà cum coniuge

Reuertiliceat. Nam nisi ad diem dictum

Præsto adfuerimus, aut nos in itinere dolis

Grassatorum circumuentos, trucidatosq; vel

In morbum illapsos, aut aliud aduersi quippiam

Incurrisse suspicabuntur. Ad hæc quid me censent ulli Troch.

Potuisse verbum proloqui? penitus obmutui

Primum: dein mihi redditus: Nihil, inquam, natæ mi

Aequè malim, quàm te hic apud me quoad vixero, cū filia

Aetate agere: sed iam dudū te hic inuitū herere video:

Pedes tibi pruriunt, ardentq; fugam: quare tuis

Si pergam affectibus aduorsarier, nihilo plus agam,

Quàm si Ætiopem dealbem, aëremue verberem,

Hoc vnum tantum me à te exorare sinito,

Vt post annum tuos apud parentes exactū, huc iterum

Commigretis: sat habeo, si istud impetro

Cum gratia. Nihil respondes? age, non omittam, nisi

Istud quod ambio exorauerim prius.

Hic cum eius orata reminiscor, nequeo quin lachrymæ miser.

Mi pater, inquit singultiu's, qua fronte ego patres meos,

E 4

Quo-

Scazon.

Quorum senectuti unicum sum præsidium, audeam  
 Deserere? tum pol vel quouis carnifice me  
 Immaniozem deputem. Quæ illis vita sine me  
 Non tristis, austerâ, tetrica, atq; amarissima futura sit?  
 Equidem mori malim, quàm eos per me ad mortem  
 adigi.

Quid multis? His lachrymis ad misericordiam  
 Reductus, facio illi egrè demigrandi copiam:  
 Omnemq; rem familiarem, capras, boues,  
 Asinos, oues, seruos, ancillas, reliquamq; supellectilem,  
 Substantiamq; tam auream, quàm argenteam,  
 Ex æquo cum ipso diuido, lachrymans identidem.  
 Tandem cum perpeti non possem amplius, huc effugi  
 foras:

Nunc ille abitum parat. Sed sicine à me abire filiam  
 Sinam in salutatam? ah, quid ago demens? quantum il-  
 li peperero  
 Sollicitudinis? at at, quid hoc! perij miser,  
 Omnes ex nostris ædibus simul exeunt,  
 Totus tremo, horroꝝ postquam horum mihi in  
 Mentem venit discessus: ô dolor grauis.

ACTVS

## ACTVS V. SCENA II.

TOBIAS, RAPHAEL, RA-  
 GVEL, SARA.

Trochaici catalectici senarij, & septenarij,  
 admittis paucis octonarijs.

**I**NGENTES Iouæ meritò gratias ago,  
 Cùm euentre hæc nobis frater prosperè. At  
 Quid remoratur coniugem? Raph. Ægrè auellit  
 Maternis complexibus: iam iam sequetur, Acat.  
 Atque eccam. Tobi. Et socer nescio quo clanculum  
 Se subduceb at modo. Raph. Humani istud ingeni est  
 Argumentum. Amor parentum in liberos  
 Quantum valeat, equidem haud ignoras Tobia.  
 Non animaduertis gnate, abitu hūc miserè sollicitarier?  
 Atque ea hinc clam discesse gratia,  
 Ne quod animo egrè est conspiciat? Rag. Occidi miser,  
 Quæ posthac futura est vita, cùm in mentem venit  
 Solitudo? sed aliò deflectunt viam.  
 Quid si reuocem? Heus heus resistite. Raph. Tobia  
 Socer est qui reuocat. Tobi. Profectò is est ipse. Rag.  
 Quid est  
 Mi fili quòd ita properas? iam iam redissem, paululum  
 Si cessasses. Tobi. Mirabar quònam abieras pater,  
 Rag. Non procul. Sed quid tibi placet filie  
 Dos? Tobi. Regalis mihi visa est opulentia:  
 Quanquam dotata est satis, quæ morata est bene.

E 5

Rag.

Rag. Oh, patris simillimus es. Hem filia,  
 Fac te tali dignam præbeas viro:  
 Illiq; per omnia morem gerito. Sar. Dabo  
 Operam mi pater. Rag. Tum socerū, & socrum qui tibi  
 Iam in parentum succedunt locum, haud minus  
 Quam me, matrem tue reuocare. In domesticis  
 Administrandis negotijs, quæ propria  
 Est matrone functio, vide sedulam

Act. Naues operam: vt quemadmodum foris maritus,  
 Ita tu rem domi augeas industria.

Sic vestrum Deus fecundabit conubium:  
 Liberofq; suppediet tales, qui tuis  
 Coniugisq; digni videantur maioribus.

Sar. Memorem dices te monuisse mi pater.

Rag. Ceterum tibi Tobia mi hanc in manum

Do, & tuæ mando fidei: tu illi pater

Posthac, tu maritus, tu patronus, tu. Tobi. Ah pater,  
 Ne lachryma, magnificentius habebitur, quam si domi  
 Sit tuæ. Sed est præterea quippiam

Quod nos vis pater? Rag. Nihil nisi vt bene

Prosperetq; valeatis omnes. Sar. Vale

Mi pater. Rag. Vale, vale, inquam, gnata, postremum  
 Vale.

Discrutior animi, hócce tam subito mihi

In tristitiam commutatum gaudium?

O mutabilem, ac volucrem rerum omnium

Conditionem. Sed quid inanibus me macero

Questibus? Vah, eijciunda hæc hercule est

Pectoris mollicies, nimis indulgeo mihi.

Generum

Generum nactus sum ex animi sententia:  
 Filia talem repperit virum, qualem ipsa ne  
 Sperare vnquam auderet. A smodus procul  
 Aedibus nostris eiectus, cruciatur bolum hunc sibi  
 Ereptum esse è faucibus. Postremo omnis res in vado est.  
 Quapropter videndum ne animi sit parum  
 Grati, nunc id incusate, quod votis frequenter vt  
 Eueniret, optauit ardentissimis.  
 Multa ex quo fuerint commoda, eius æquum est ferre  
 incommoda. Iambi.

## ACTVS V. SCENA III.

TOBIAS, RAPHAEL.

Septenarij, partim recti, partim σνάζορτες.

R E ipsa comperio mi frater, nullam rem tam arduã  
 Ac difficilem esse, quin leuis, facilisq; fiat, si  
 Adsit alacritas, vel reditus hic, quam mihi non est  
 Laboriosus, præ vt nuper erat discessus. Iam Acrim,

Vti vides, deuenimus, & ad eò de via non sum  
 Defatigatus, vt vel Niniuen citra moram rectã  
 Hodie contendere luberet, ni coniuge, & grege  
 Seruorum, & ancillarum iumenta nostra agentium  
 Essemus impediti, quæ relinqui haud expedit. Troch.

Raph. Est istud quidem vt dicis Tobia: verum mihi  
 Si & hic, quemadmodum in alijs hætenus, ausculta-  
 ueris,

Non hic pernoctabimus: at quod superest vie  
 Incunctanter perficiendum arbitror. Non te latet

Scna.

Diem

Diem quo nos domi futuros pollicebamur,  
Iam pridem nuptiarum præterijſſe mora: patrem  
Matremq; dolore ſimul, atque metu contabescere:  
Quemq; diem illis annum videri. Tobi. Nil quidem  
malim

Sedat.

Azaria, ſed quid coniunx, reliquæq; quas  
Iam deſeſſas longinqua reddidit profectio?  
His longius hoc die ſi ſit eundum, periculum eſt  
Ne in media anhæle deficiant via. Raph. Scio, ſed eas  
Committemus, apud quem modo prandebamus, hoſpiti  
Tobi. Satin' tutò? Raph. Oh, deſine malè ſuſpi-  
cariet, vir eſt

Virtute, fidè que antiqua. Tobi. Sed non nouerunt viã  
Si ſole conſequantur poſt, nec ubi aberrent vereor.  
Raph. Eidem vt deducat dabimus negotium: in ſuper  
Nimuen ſimul ac peruenerimus, aliquot famulos vie  
Pulchrè gnaros, eis obuiam mittemus. Tobi. Quid? tibi  
Si ex vſu iſtud fore videtur, age lubens obtempero.

## ACTVS V. SCENA IV.

TOBÆVS, ANNA.

Trimetri.

**Q**VOTIDIE magis auget ſcit mihi de filio  
Solicitudo, & quò abeſt diutius, hoc eum  
Deſidero impotentius. Me nullus eſt  
Opinor calamitoſior, neque cui magis  
Bonæ felicitates aduerſe ſient.

Eben

Eheu quot iam annos natali eiectus ſolo,  
Hic ſeruitutem pertuli grauiffimam!  
Quot incommoda peperſſus! denique quo nihil  
Tum accidere mihi poſſe arbitrabar triſtius,  
Viſu ſpolior miſer. Tamen hæc ut cunq; mens  
Tulit hæctenus ægritudines. Nunc vt nihil  
Moleſtiarum deſit, maior in ſuper  
De filij ſalute mihi obijcitur metus.  
Ad hæc accedit vxor rixoſa, haud leue  
Profectò malum: cuius querimonij mihi  
Iam pridem aures calent, at at oſtium crepat,  
Mirum ni illa eſt: tacebo, vt quis ſit audiam.  
An. Si res mihi ſecundæ eſſent de filio,  
Iam dudum veniſſent. Tobæ. Eſt ipſa. An. Ah, quas meum  
Anxietates mihi conſecit ſilicernium.  
Tob. Ecce antiquum obtinet. An. Qui modò foras, ſibi  
Dum verba parata ſentit, neſcio quò proreperſerit. Sept.  
Sed oportune hic ſtantem reperio: adoriar,  
Vt in eum, quod animo egrè eſt, euomam. Bone  
Vir, ſalue: ecquid remoratur filium? viden?  
Tuo conſilio iam me miſerè ſolicitariet? Sept.  
Infortunatior pol me mulier nec eſt,  
Nec fuit vnquam, tali viro quæ nupſerim.  
Tobæ. Ah pergin' lingue vri petulantia? quaſi  
Iſthic minus mea res agatur quam tua.  
Si quid nobis aduerſi forè euenerit,  
Mihi maior ſuſtinenda eſt portio: atque ob id  
Nequaquam ea res mihi neglectui fuit.  
An. Niſi fuiſſes incoogitans, pecuniam

Hanc



Hanc perdere maluisses, quàm periculis  
Tot, tantiq; obiectare filium: neque  
Ignoto commisisses adolescentulum.

Tobæ. Muliere iniqua nunquam quicquam iniustius,  
Que, nisi quod ipsa facit, nihil rectum putat.  
Opinione melius res cedit arbitror.

Scazon. Non cogitas quàm longè hinc absit, & nostri  
Mores hominum, ad numerandum quisq; est tardior.

An. Tandem huc tua se recipit oratio? virum  
Nonne aiebas Gabelem esse optima fidei?

Sept. Quicum vel in tenebris micare sit tutissimum?  
Si incolomis esset, iam hic adesset sat scio.

Quando iandudum dictus præterijt dies.

Tobæ. Non cessabis dijudicare istud prius,  
Quàm quid veri fiet certo rescueris?

An. Nescio quid animus mihi mali præfagiat.

Tobæ. Noli te macerare obsecro: quin pectore

Quieto sis potius. Quid lucri sit, tibi

Scazon. Si solitudinem adferas, cum idem sit vel  
Nolenti perferendum tamen? An. Eheu mihi hic  
Sola videor, ille quia hinc abest diutius:

Et eius mihi curæ est salus. Tobæ. Adeo? putas

Me omnem penitus exuisse humanitatem, vt hoc

Scazon. Non mihi itidem, vt tibi doleat? Quasi nondum  
Etiam satis quàm tenerè adamem hunc perspexeris?

Sed quid profuerit si me pergam affligere?

Quid aliud quàm malum conduplicem mihi?

Multum iuuerit animus in re mala bonus.

An. At vereor, si modo viuat, ne miseram alicubi

Vitam

Vitam in sordibus, erumnisq; exigat. Tobæ. Pergin?

Eandem nobis toties cantiunculam  
Occinere? interijt, perijt, quid sit nescio.

Quin ipsum saluum tibi iam spero propediem  
Hic ad futurum. An. Spe niti miserrimum est.

At utinam ita Deus faxit. Tobæ. Faciet, fac modò  
Diuine non diffidas munificentia.

## ACTVS V. SCENA V.

TOBIAS, RAPHAEL, TOBÆVS,  
ANNA.

Trochaici septenarij, & octonarij catalectici.

QVAM nos exoptatos arbitrare parentibus  
Venturos Azaria, qui iam reditum nostrum ar-  
bitror

Propemodum desperant? Raph. Lachrymabunt præ  
gaudio

Tobia, vbi saluos redisse nos conspexerint.

Az. vide ne nostrarum admonitionum nunc immemor

Sis: tenes quid dicam? de felle loquor, quo patri

Amisum recuperes visum. Tobi. Hæ, teneo. quid putas

Successurum si experiar, dic sodes? Raph. Non minus

Iuuerit hic fel, quàm cor in abigendo demone:

Tantum diuino confisus numini, Deum

Ora, vt nostros conatus sua secundet gratia.

An. Mi vir, nescio quos procul huc conspicio

Aduentare: duo sunt, alter filio, alter haud

Mulsum

*Multum dissimilis ei, cui creditus est, adolescentulo.*

Tobæ. Faxit Deus vt filius sit. An. Quò oculos inten-  
do acrius,

Hoc illis mihi videntur similiores. Tobæ. arrige

Aures Tobæ. Oh, crucior oculos meos nihil

Quicquam prospicere. Raph. Ehem mi Tobia, matrem  
ac patrem

Modò ne me fallant oculi, pro foribus stantes conspicio.

Tobi. Sunt? Hem cerè sunt: qua gratia hìc consistat  
nescio.

Raph. Quid? nostrum operiuntur aduentum. An. Cer-  
te ipse est

Acatal. Mi vir. Tobæ. Hem, quid ais? An. Cum eodem qui-  
cum hinc est profectus

Comite. procurrã obuiam, atque in amplexu illi prorua

Tobæ. Rapè me sodes tecum, quid me solum deseris?

An. Hem, mi gnate, hem gnate mi: saluum te gaudeo

Acatal. Aduenisse. Tobi. Credo mater. An. Salua sum, que  
te valentem

Atq; incolumem redijisse intueor. Tob. Sed quid pater?

Valuitne vsque? An. Eccum tibi pro foribus. Tobi.  
interij miser,

In terram, dum te consequitur, procul ab ædibus

Scna. tres. Pronus illabitur. Ah, quam vereor ne læserit

Se. properemus, vt tollamus. Mi pater

Quidnam hoc est mali? siccine te hìc esse humi

Prolapsus? dolètne quippiam? Tobæ. Nihil

Quicquam mi fili: & si quid doleret, nunc vel immorì

Mihi tuis dulcissimum foret complexibus.

Tobi.

Tobi. Frustrà me saluum reuersum arbitrarer, nisi &  
Te pater mi incolumem, ac saluum offenderem. Tobæ.  
Deum

Immortalem, præ gaudio quid agam, vel quid loquar Iambi.

Planè nescio. Nalla mihi res posthac potest

Tanta interuenire, vt ægritudinem adferat.

An. Mi fili, Deus nouit quàm miseram exegerim

Te absente hìc vitam. Tobæ. Hem Tobia, redistin? so-  
lus? Hospitem

Nòmne reducis tecum Azariam? Tobi. Quid n̄ pater.

Tobæ. Ubi igitur est. Raph. Hem, præsto sum To-  
bæ. Tobæ. Cedo manum

Mi frater, quò te amplectar, ac exosculer: tibi

Bene faxim lubens, qui incolumem mihi restituis filium.

Sed quid? qua vos gratia iſtuc miseram,

Accepistis argentum à Gabele? Tobi. Ad assem mi  
pater,

Conspecto chirographo, numerauit protinus.

Tobæ. Bene meherculè factum, gaudeo. Raph. Im-  
mo si scias,

Quid boni adferamus præterea, tum iſtud magis

Dixeris Tobæ. Tobæ. Quidnam amabò? Raph. Idq;  
triumphaueris

Serid. Tobæ. Quin dic, quid est? Raph. Nihil medito-  
cre est. Tobæ. Enecas,

Rem paucis eloquerè obſectro. Raph. Adducimus tibi  
norum. Tobæ. Hem

Tobia, vxorem iniussu meo? Tobi. Gaudebis, sat scio,

Pater vbi cognoueris cuius sit filia.

F

Tobæ.

Tobæ. Cuius? Tobi. *Raguelis cognati nostri.* Tobæ.  
Hem, bene,

Ita me Deus amet factum. *Audim vxor hic quid dicat?* An. Oh,

Quid ni audiam. *At ubi illa est? Quid caussa est quod non adduxeris*

Sena.

Huc tecum ad nos? Tobi. *Rage eam reliquimus Cum grege ancillarum, & seruorum, boues, oves, Asinos, & camelos huc ad nos trahentium.*

Que simul si adduxissem, multo huc venissem serius: *Et sciebam quantopere vos nostra affligeret mora.*

Tobæ. *Vnde tanta tum pecudum, tum mancipiorum copia?*

Tobi. *Cuncta hæc Raguel gnatæ dedit doti.* An. Oh, *lachrymæ mihi*

*Erumpunt præ gaudio.* Rap. *Tum tantam auri, argenteque vim*

*Vt regalem vos videre credatis opulentiam.*

Tobæ. *O inexhaustam numinis diuini munificentiam. In nunc vxor, ac deum nos destituisse clamata.*

An. *Mi vir, peccatum à me maximum est. Sed non oportuit*

*A vobis relictas.* Tobæ. *Quid si nos nostrum Syrum Illis obuiam mittamus?* An. *Certè, si ille occurrerit, Multo propius ibunt, & minor futura erratio est.*

*Nam via peritissimus est.* Tobi. *Mater consulis probe.*

An. *Intrò igitur concedam, vt hoc ipsi dedam negoti: Nisi quid dissentis mi vir,* Tobæ. *Iube properet, quantum potest.*

ACTVS

## ACTVS V. SCENA VI.

TOBÆVS, TOBIAS, RAPHAEL.

Versus eiusdem rationis.

**N**VNC experior frater nequaquam frustrarier  
Qui in Deum omnem spem suam, fiduciamque  
conferunt,

Idem & hoc si tibi fili mi planè persuaseris,

Multa in pectore, mihi crede, tibi considebunt bona:

Tobi. *Annitemur pro virili mi pater.* Raph. *Nunc Tobia*

*Fel quod dixi profer, eoque patris leniter*

*Illimito oculos.* Tobæ. *Quam rem tu nunc occipis fili? ah, vide*

*Sodes, ne malum pro remedio nobis exasperes.*

Tobi. *Nihil est quod metuas pater.* Raph. *Vin' quod libenter audias*

*Nunciem tibi Tobæ? Hodie pristinum tuis*

*Oculis visum restituet Deus.* Tobæ. *Mi hospes, vtinam ratum*

*Sit quod prædicas.* Tobi. *Caue eius pollicitationibus*

*Diffidas pater: nihil vnquam ex eius consilio mihi*

*Susceptum est, quod non successerit feliciter.*

*Dicas diuino æstro percitum: aded nihil ipsum fugit.*

*Huic vni hoc nostrum acceptum referri conuenis bonum:*

*Vt potè cuius suasu, atque impulsu sunt transacta omnia.*

Tobæ. *Scio fili, atque ob id magis sollicitus sum, quo munere*

F 2

Nunc

Nunc tantam erga nos compensem beneficentiam.

Raph. Si vobis quid feci, aut facio mi senex quod proficit,

Istud haud mihi, sed diuinæ debetur gratiæ.

Ac proinde, nihil à te precij repeto. Tobæ. Ah, premium me putas

Ingratum. Certum est, nunc tibi contrà referre gratiam,

Vt penes me esse positum pietatis præmium scias.

Quodcumque à me donum optaueris, optatum feres.

Rap. Nil moror munera: abundè mihi magnum præmium

Acata.

Arbitror relatam, quãdo id quod feci gratum esse vobis  
Perspicio. Tobæ. Tace sodes, non committam ingrati-  
tudinis

Vt crimen, quo vix scio, an aliud detestandum magis  
Reperiat flagitium, incurrisse videar: atque eo  
Genere prognati sumus, vt nos de deceat admittere  
Quicquam, quod hominum vulgus meritis irrideat. At  
nescio,

Quid mihi solito acrius pungant, ac pruriant  
Oculi, vix manum abstineo. Raph. Frica quantum potes  
Mox squammæ, quæ nunc impediunt visum, decident.  
Tobæ. Hæm, vide amabo, ne me frustra in letitiam  
conieceris.

Raph. Itane paruam mihi apud te esse fidem? ah, ab-  
sit dubitatio.

Tobæ. Nil dubito quicquam: tu modo, quod factum sit  
opus, impera.

Raph.

Raph. Nihil ad hanc rem, quam paramus nunc, necesse est amplius:

Tantum firmiter diuino fac confidas numini,

Et nihil te nostra fallent promissa. Sed intro statim

Hinc concedamus: volo vniuersam familiam tuam

Admirandum illud spectare prodigium. Tobæ. Age-  
dum, si lubet,

Duc me. Ecquis me fortunatior futurus est?

Siquidem te dæcalum posthac imbiliceat contemplarier.

## ACTVS V. SCENA VII.

SYRVS.

Partim septenarij, partim octonarij.

**O** POPVLARES quot, quantisque subito  
commoditatibus

Hero meo Tobæo Deus hunc oneravit diem?

Cui de improvisis tot hodie congruerunt commoda?

Adeo vt si quis rem ignoret, fabulã se audire existimet.

Primum gnatus vnicus, cuius reditus iam propemodum

Desperabatur, redijt incolumis: pecunia,

Cuius gratia iter tam longum susceperat, domum

Relata. tum uxorem istinc secum adduxit, mulierem

Apprimè nobilem, & magnifice dotatam: in super

Cognitione proximam. Atque hæc tui non maxima

Minimèque vulgaria iurè videantur commoda?

Tamè ne cõparadũ quidè ad ea est id, quod narrabonũc

Quod ni hisce oculis aspexissem ipse, nunquam crederē,  
Etiam si vel centum istud verē contigisse deierent.  
Modo ad me venit heras, heus tu inquit, Syre, protinus  
tibi

Posthabitis rebus omnibus, proficiscendum est Acrim,  
Nam sius meus ad duxit secum uxorem, quam ibi  
Eo quod de via defessa esset, cum ancillis aliquot, ac  
Famulis, umentisq, quibusdam reliquit: & viam  
Ignorant, quapropter, quantum potes, illis obuiam  
Procurre, & ad nos huc deducito. Hic ego

Senar.

Dum ex adibus cum dicto prouolare paro, ab Azaria  
(Nam id hospiti isti nomen esse intelligo) reuocor.  
Resistenti concede huc, inquit, seruule in triclinium.  
Non possum inquam: at paulisper, saxo videas rem omnium  
Multo prodigiosissimam. Reuertor denuo.

Senar.

Ibi tum video herum confidentem, filium  
Et heram, aliosq, non paucos circumstantes: quid fiet  
Demiror. Tandem hospes: Qua gratia, inquit, hac  
vocaerim

Vos, paucis aperiam. Ne quis vestrum sibi persuadeat  
Huius senis tot hactenus arumnis, ac calamitatibus  
Exerciti, officiosum in sepeliendis mortuis  
Deo displicuisse obsequium, videte quam magnificum  
hodie

Sue pietatis laturus sit premium. Quandoquidē ut ex  
Omni parte hoc, quod in itinere diuina beneficentia  
Filius est consecutus, perfectum sit gaudium,  
Visum, sine quo insuauia hac omnia futura sint,  
Vobis presentibus iam illi reddet Dei benignitas.

Age-

Agedum adeste, & spectate prodigium. dein ad herum  
Conuersus, tu modo mi Tobae, inquit, vide tua  
Ne quod Deus indulget, tibi intercipiat diffidentia.  
Ad hanc vocem proficiens ē sede senex: Quid diffi-  
dam, ait,

Azaria frater mi, cum iam squame ab oculis decidant.  
Atq, o prodigiosam Dei clementiam, iam non minus  
Quam olim mihi prospiciunt oculi. Video coniugem,  
Gnatumq, Tobiam, vniuersamq, meam familiam  
Hic propter me consistentē. Nos gaudio simul & metu  
Stupentes, ad calum sublati manibus, flexuq, genibus  
Deo agimus gratias, lachrymis prae gaudio ex oculis  
Nobis erumpentibus. Herus interea nunc filij,  
Nunc itidem hospiti Azariae inherens complexibus,  
Nescit quibus officijs tam raram erga se munificentiam  
Cōpenset. Quid multis? tota domus undiq, per strepit  
Leticia. Nunc ego, vti iussit heras, noue nuptae obuiam  
Proficiscor. Quin herus insuper, quantum audio, cum  
coniuge

Ipsē sequetur propediem. Properabo igitur, ne quis hic  
Me otiosē etiamnum garrigentem forte reperiat.

## PER ORATIO.

Trimetri.

NON est quod hic motemini diuitius,  
Hos nostros qui spectasti ludos scenicos,  
Intus si quid restat peragetur clanculum:  
Ne vestra abusi videamur patientia,

F 4

Si lon-

Si longiori hic vos detinearitis mora.  
 Sed heus heus quid mihi occipitium obuertitis?  
 Resistite parumper. Priusquam hinc domum  
 Vos recipiatis, que ex vsu futura sunt  
 Maximopere, vobis paucula instillauero.  
 Quicumque sacris continetur literis,  
 Ad nostram sunt salutem prodita. His Senex  
 Tobæus inuictæ exemplar patientiæ,  
 Tot vndique circumseptus calamitatibus,  
 Nec animum despondens tamen, quem non licet  
 Gramissimis intricarum infortunij,  
 Eo sua reducat tollerantiæ,  
 Ut temporarij luctura commodi, aut  
 Nihil quicquam moueatur, aut certo minus  
 Se pergat affligere? ratus quod a Deo  
 Immittitur, quamuis molestum, ac asperum  
 Appareat, nihilo minus tamen sibi  
 Salutis fore: quin hunc suum luctum breui  
 In gaudium commutatam iri: cum nihil  
 Adeo in rebus terrenis firmiter, stabileque  
 Esse intueatur, quod non æstuario  
 Quodam cursu modo huc, modo illuc fluctuet.  
 Eant nunc mortales insipientissimi, ac  
 Deo diffisi, ob res tam momentaneas  
 Cælum mari commisceant, his perditis  
 Se se interijisse clamitent: cum tot Deus  
 In hunc præter spem olim contulerit commoda.  
 Nec erit hodie ipsius manus contractior,  
 Si nos hac dignos præbeamus gratia.

Sed

Sed quidnam Tobæe monet connubium?  
 Et interempti septem Saræ coniuges?  
 Adeste huc adolescentuli, qui vxorij  
 Animum appulistis complexibus: audite quod  
 In rem vestram futurum est maxime. Hi viri  
 Septem, quos sacra cæcos narrant Biblia,  
 Raræ stupentes sponse pulchritudinem,  
 Brutorum animantium ritu, libidinis  
 Non procreandæ prolis studio, amplexui  
 Formosæ inhiabant coniugis, salacium  
 Canum in morem: atq; ob id vixdum ingressi torum,  
 Ab Asmodæo principe a cadæmonum  
 Perempti, in atrium protruduntur Tartarum.  
 At Tobias pudicitia memor, ac Deo  
 Suam precibus salutem commendans, dolos  
 Impuri euadit spiritus: & fructibus  
 Exoptati tutus potitur connubij.  
 Atque hæc ob id nunc repetimus verbosius,  
 Ut quemadmodum illorum exitum miserabile,  
 Ita huius felicissimi in rebus omnibus  
 Successus, a lasciuia vos auocent.  
 Ne iisdem Asmodæi irretiti cassibus,  
 Supremi vindictam incurratis numinis.  
 Valete, & si placuit quod actum est, plaudite.

F I N I S.

M. IOANNI  
SVRENO, HAR-  
LEMIANAE CIVITATIS  
CONSVLI VIGILANTISSIMO  
CORNELIVS. SCONEVS  
GOVDANVS  
S. D.

**M**IRABERIS fortasse Surene doctissime, quòd tibi, cum priuatis domesticarum solitudinum curis, tum communibus Reipublicæ munijs plus satis districto, his meis neuijs negotium facessere non erubuerim. Nec iniuria: nam si intempestiua beneficentia, iuxta pro- uerbum, nihil à similitate differt: illeque qui sedulo quidem, sed parum in tempore prodesse studet, impudentiæ notam incurrit: quid censendum de eo, qui viro Consulari tot occupationum vndis inuoluto, suis nugis hoc rerum statu non veretur obstrepere? Quapropter tale quiddam ne vnquam quidem ausus fuissẽ, nisi singularis ingenij tui comitas, facilitasque ad temerariam hæc confi-

confidentiam mihi fenestram aperuisset. Multis enim argumentis compertissimum habeo, te ea esse humanitate, vt quemadmodum literatis amicorum xeniolis impendiò delectaris, ita nec rudioribus, impolitioribusque facillè offendaris: vt potè qui non tam munusculi precium, quàm beneuolum, candidumque offerentis animù intueri soleas. Cum comœdiam nostram Tòbeum tuo, aliorumque quorundam amicorum suasu essem æditurus, visum est libellum quendam carminù succisuius, aliquot horis recreandi ingenij gratia à nobis conscriptum, huic coronidis vice adijcere. Quæ cum inelegantiora sint, aduersus improbos Zoilorum morsus bono, facundoque patrono indigent. Ad hoc nemo mihi visus est magis accommodus, quàm tu mi Surene, cuius tanta est facundia, vt causam etiã non bonam, probè tamen tueri queas. Quapropter tui nominis auspicijs, si pateris, in lucem prodibunt: non tamen prius, quàm tu ea dolabella tua leuigatiora, politioraque reddideris. Non relacet quàm emunctæ naris sit hoc sæculum, quàm nasuti passim Suffeni: qui cum suis ipsorù vitijs, etiam turpissimis libenter ignoscant: tamen vel leuissimos aliorù neuos petulantissima lingua insectatur. Atque ob id nã quid hîc reperiat, quod maleuoli isti meritò reprehèdissent, sũma adhiben-

adhibenda est cautio. Proinde quò liberius horum asperitatem tua lima abrâferis, hoc te nostri amantiorem iudicauero. Nam mihi hîc parùm fido: non ignâtus quàm non rarò amatoré (vt inquit ille) amicæ turpia decipiât cecum vitia, aut etiã ipsa hæc delectent. Ideoque Socrates scitè admodum artificis opus ingenij quendam fœtû esse ait, de quo obstetrix melius, exactiusque iudicat, quàm mater ipsa: quæ vt prolem amat impôtētius, ita eius nequos non facilè animaduertit. Ad eundem modum & nos in aliorum vitijs, erroribusve perspiciendis, ac deprehendendis plus quàm Lyncei sumus: ad ea quæ in mantica à tergo depédenti circûferimus, quouis Tiresia cæciores. Non negabis, opinor, amico hanc operam, quamuis lōgè grauioribus curis intricatus. Iam pridè re ipsa comperi, quàm incredibili animi affectu, tū politiorum disciplinarum studia, tum eos, qui se his formandos, excolendosque dederunt, prosequaris. Cumq; plerisq; inanis scientiæ persuasio, supercilium, fastumque conciliare soleat, tu tamen absoluta ingenuarum artium cognitione præditus, adeò neminè, quamuis ab omni literatura alienû, præ te fastidis, vt ipse te his præclarissimis ingenij dotibus insignitû esse, aut non intelligas, aut planè dissimiles: vtroque iuxta laudatus. Atque ob id quò minùs gloriam

